

বঙ্গবাসিনী

বঙ্গবাসিনী
বঙ্গবাসিনী
ও সমালোচনী।

অগ্রিম মহারা উদ্দেশ্যচক্র দত্ত বি-এ, কর্তৃক প্রযুক্তিত।
আম্বাট, ১০২৬—কলকাতা, ১৯১৯।


সূচী

১।	বঙ্গবাসিনী (কবিতা) ...	শ্রীমতী গৌরীশঙ্কর দে	১৭
২।	গানের পরলিপি ...	শ্রীমতী মোহিনী দেবগুপ্তা	১৮
৩।	হিন্দুর তীর্থসিঁচন ...	শ্রীমতী হেমন্তকুমারী দেবী	১৯
৪।	আত্মবিসর্জন (নাটক) ...	শ্রীমতী চাকরীলা গিরি	২০
৫।	স্বিজ্ঞান (কবিতা) ...	শ্রীমতী অমিতা গুপ্তা	২১
৬।	বাক্যের গুণ (কবিতা) ...	শ্রীমতী প্রভবদেব মুখোপাধ্যায়	২২
৭।	হিন্দু-জ্যোতিষ ...	শ্রীমতী রাধাবল্লভ স্বামী-জ্যোতিষতীর্থ	২৩
৮।	"বহু মনে বসেছিল" (কবিতা) ...	শ্রীমতী প্রভবদেব মুখোপাধ্যায়	২৪
৯।	অপাহৃত (কবিতা) ...	শ্রীমতী চাকরীলা গুপ্তা	২৫
১০।	বাইব্রাহ সসীকানা (উপন্যাস) ...	শ্রীমতী ভবনমোহন ঘোষ	২৬
১১।	নিবেদন (কবিতা) ...	শ্রীমতী শৈলবালা ঘোষ	২৭
১২।	অষ্টাবক্রগীতা ...	শ্রীমতী দীপকচন্দ্র শাস্ত্রী, এম. এ. বি. এল., বিন্দ্যারত্ন	২৮
১৩।	বাক্যগান (কবিতা) ...	শ্রীমতী ভবনমোহন ঘোষ	২৯
১৪।	পালান্দো-ক্রমণ ...	শ্রীমতী রজনীকান্ত দে	৩০
১৫।	সাময়িক প্রসঙ্গ	৩১
১৬।	পরের প্রীতি হইতে দৃষ্টি ফিরাত ...	শ্রীমতী —	৩২

আম্বাট, অগ্রিম বঙ্গবাসিনী দ্বারা, অগ্রিম বাম্বাসিনী দ্বারা
আম্বাট, অগ্রিম বঙ্গবাসিনী দ্বারা (চারি আদী) দ্বারা।

ডোয়াকিনের হারমোনিয়ম।

বাজারের জিনিসের মত নয়।



বাক্স হারমোনিয়ম—

১ সেট রিড মূল্য ২০০ ও ২৪০ টাকা।

২ সেট রিড মূল্য ৩০০, ৪০০, ৪৫০, ৫০০ হইতে ১৫০০ টাকা পর্যন্ত।

ফোল্ডিং অরগেন—মূল্য ৩৬০, ৫৫০, ৭০০, ৭৫০, ও ৯০০ টাকা।

বেহালা—মূল্য ৫০, ১০০, ১৫০, ও ২৫০ হইতে ৩০০ টাকা পর্যন্ত।

সেতার—মূল্য ১০০, ১৫০, ২০০, ২৫০ ও ৩০০ টাকা।

এসরাজ—মূল্য ১২০, ১৫০, ১৮০, ২০০ ও ২৫০ টাকা।

পত্র লিখিলে সকল রকম বাদ্যযন্ত্রের তালিকা পাঠান হয়।

ডোয়াকিন এণ্ড সন,

৮১ নং ডালহাউসি স্কোয়ার, লাগদীঘী, কলিকাতা।

নব প্রকাশিত উপন্যাস-কোহিনুররাজি !!!

প্রিয়জনরঞ্জন চমৎকার বাধাই—শোভন সংস্করণ।।

বাহু ছাড়া 'মুটি' শরৎ বাবুর

মুরোপ-সমাদৃত হেমেন্দ্র বাবুর

নশিনী।

হৃদয়-শ্মশান

ডিটেকটিভ প্রহেলিকা। তিনজন গোয়েন্দার অদ্ভুত বাধা—প্রতিযোগিতার অত্যদ্ভুত কাণ্ড। মূল্য ১।।

সামাজিক জ্বলের প্রভাবে সঙ্কটের দংশনে প্রেম-প্রশ্রবণ হৃদয় কিরূপে শ্মশানে পরিণত হয়—আত্মত্যাগের মাহাত্ম্যে সেই শ্মশানে কিরূপে দেশমাতৃকার মন্দির গড়িয়া উঠে দেখুন। মূল্য ১।।

বসুমতী-সম্পাদক হেমেন্দ্র বাবুর

নাগপাশ।

নূতন চরিত্রচিত্রে নূতন ধরণের সামাজিক চিত্র। পল্লীচিত্র সহরচিত্রের পাশাপাশি চিত্র। পল্লীবধু ও সহরে সহবতপ্রাপ্ত শিক্ষিত রমণীর বিচিত্রতার নিখুঁত ফটো। মূল্য ১।। টাকা।

সাহিত্যের সরোজ সরোজনাথের

বিদ্রোহী।

কিশোরীর ফুটো নোমুখ লাগণা চিরদিনই যুবতীর সৌন্দর্যকে পরাজিত করে? সাংসারিক জীবনের নানা বাত-প্রতিবাতনয় ঘটনার ছবি, গল্পের হৃদয়ময় নিহিত। ১। বিদ্রোহী, ২। ঋণযুক্ত, ৩। নিয়তি, ৪। উন্মাদিনী, ৫। প্রতিদান, ৬। পিতৃদ্রোহী, ৭। সতীন-গো। এই ৭টি উপন্যাস একত্রে। মূল্য ১।।

উপন্যাস-সম্রাট দামোদরবাবুর

শঙ্কুরাম।

রাজনৈতিক ডাকাত সর্দার—শঙ্কুরাম। প্রবলের অত্যাচার, রমণীর সতীত্ব, দুর্বলের সেবা, আশ্রিতের রক্ষণ, অধর্মের উচ্ছেদ, ধর্মসংস্থাপনের জন্য ডাকাত সর্দার হইয়াও দেবতা। মূল্য ৫।। দেড় টাকা।

লক্ষ প্রথিত নাট্যকার ক্ষীরোদবাবুর

ব্রাহ্মণ্যধর্ম-বিকাশক

নিবেদিতা।

আট বা কামের লালসা-কলুবিভ বঙ্গসাহিত্যে শিক্ষিত সমাজের মনের মতন মহতোমহীয়ান উপন্যাস। বাহারা সাহেবী-সভ্যতার বিকট দুর্গকে বিরক্ত, তাহাদের মনের মতন উপন্যাস। প্রাচীন ও নবীন হিন্দুসমাজের চিরবিরোধের অপূর্ব সমাধান। মূল্য ২।। টাকা।

ইন্দুমতী-প্রণেতা ফণী বাবুর

সম্পত্তিরক্ষা।

সমাজের আবরণে দুর্বলের উপরে নানা অত্যাচারের মর্মস্বত্ব কাহিনীটি পাঠ করুন। মূল্য ১।। আনা।

গার্হস্থ্য উপন্যাসে দামোদরবাবুর

নবীনা।

নবীনা বালবিধবা, সুন্দরী, বোড়গী। তাহার পদখলনের চিত্র, রূপের প্রলোভন, কামের তাড়না হইতে পাঠক সজ্জ হইবেন। কাম ও প্রেমের পাশাপাশি চিত্র। মূল্য ১।। টাকা।

জার্মানীর সেই দুর্ভাগ্য—কাইনার, রাবণ-পুত্র ইন্দ্রজিৎসম

ক্রাউন প্রিন্স।

সেই ক্রাউনপ্রিন্স যিনি যে দিকে গিয়াছেন—যে বৃক্ষক্ষেত্রে সৈন্য সঞ্চালন করিয়াছেন—তাহাই মহা-শ্মশানের ধ্বংসস্তূপে পরিণত হইয়াছে। সেই কলির সাক্ষাৎ রণদেবতা—এটোয়ার্প, লামুর, বিধ্বংসী—ক্রাউন প্রিন্সের মূল্য ৫।। বাঁ আনা।

নেপোলিয়ান বোনাপার্ট

জগতের অদ্বিতীয় মহাবীর—কৃষ্ণক্ষেত্রের অপরায়েয় অজুন—ষোড়শ শতাব্দীর রণদেবতা চিত্রে চিত্রে চিত্রময় অমানুষিক জীবনী ও লোমহর্ষণ কাহিনী। মূল্য ২।। দুই টাকা। ও বাধাই ২।। আড়াই টাকা।

হত্যারহস্তে বিপ্লববাদ হরিদাস হালদারের

মদন পিলাদা।

আদামতের আশ্রমে অত্যাচার তাণ্ডর। স্বদেশী যুবকের দণ্ড। শেষে সত্য প্রকাশে অবাককাণ্ড। মূল্য ১।।

জার্মান-সাম্রাজ্য-স্থাপনিতা—

বিসমার্ক।

যে মনীষীর অত্যদ্ভুত বুদ্ধিতাড়া-প্রভাবে—পলিসিও পলিটিকস চাল-নৈপুণ্যে আজ জার্মানী সর্ব-বিষয়ে অসাধারণ উন্নতিলাভ করিয়া ক্ষত্রশক্তির স্পর্কার আশ্রনাশে প্রবৃত্ত হইয়াছে, সেই বিসমার্কের জীবনী ও জার্মানীর উন্নতির ইতিহাস। মূল্য ৫।। বাঁ আনা।

ক্ষুদ্র গল্পে সিদ্ধহস্ত স্বপ্রসিদ্ধ নারায়ণবাবুর

লক্ষীছাড়া।

পল্লীসমাজের গোড়ামীর উৎকটাপূর্ণ গল্পগহ্বরী। ধর্মের ভাণে স্বার্থসিদ্ধি। শিক্ষ, বাধাই। মূল্য ১।।

বসুমতী সাহিত্য-মন্দির ১৬৬ নং বজ্রবাজার স্ট্রিট, কলিকাতা।

বহুদিনের বিখ্যাত গল্প-লেখিকা

শ্রীমতী সরোজকুমারী দেবীর নূতন গল্পের বই—

১। অদৃষ্টলিপি। ইহাতে অদৃষ্ট-লিপি নামে ছোটখাটো উপন্যাস এবং আর কয়েকটি ছোট গল্প আছে। আধুনিক শিক্ষিত সমাজের স্বন্দর নিপুণ চিত্রাবলী। মূল্য ১০। ২। ফুলদানী। অনেকগুলি ছোট গল্পের সমষ্টি। গল্পগুলি নানাভাবে, নানা রসের, বিচিত্র চিত্রের। মূল্য ১০। ৩। শতদল। ভগবদ্-বিষয়ক একশত কবিতা, তত্ত্ববোধিনী ও পরিচারিকায় প্রশংসিত। মূল্য ১০। ৪। কাহিনী বা ক্ষুদ্রগল্প—গল্পেরপুস্তক। ৫। অশোকা—কবিতা-পুস্তক। ৬। হাসি ও অশ্রু কবিতা-পুস্তক। প্রাপ্তিস্থান—ইণ্ডিয়ান পার্লিসিং হাউস ও মেডিক্যাল লাইব্রেরী, যথাক্রমে ২২ নং ও ২০১ নং কর্ণওয়ালিস্ স্ট্রীট, কলিকাতা।

BHARAT DHARMA MAHAMANDAL

The All-India Hindu-Socio-Religious Association.

General President: H. H. the Maharaja of Darbhanga, G. C. I. E.

Fees for General Members—Rs. 2 a year.

Members have the privileges of (a) the Mahamandal Benevolent Fund; (b) the Mahamandal Magazine (in English)—a High Class Monthly free; (c) Mahamandal *Shastric* Publications, at three-fourth price. PROSPECTUS & SPECIMEN COPY OF THE MAGAZINE SENT FREE. The General Secretary: Sri Bharat Dharma Mahamandal, Benares Cantt.

অল্পশূলান্তক ১৫ মাত্রা ১, ক্ষুধাসাগর ১৫ মাত্রা ১,

মদীয় অধ্যাপক স্বনামপ্রসিদ্ধ কবিরাজ মহামহোপাধ্যায় ঙ্কারকানাথ সেন কবিরত্ন মহোদয়ের অভিমত—অল্পশূলান্তক-সেবনে অল্প ও শূল-রোগের তীব্র বেদনা তৎক্ষণাৎ নিবারিত হয়। ক্ষুধাসাগর অতিশয় ক্ষুধাবর্ধক। ইহাতে অজীর্ণ, পেটবেদনা ও অল্প উদগার উঠা প্রভৃতি নিবারিত ও অতিশয় অগ্নিবৃদ্ধি হইয়া থাকে।”

সংস্কৃত কলেজের ভূতপূর্ব প্রিন্সিপ্যাল মহামহোপাধ্যায় পণ্ডিত শ্রীযুক্ত হরপ্রসাদ শাস্ত্রী C. I. E. মহোদয় বলেন,

“শ্রীযুক্তবাবু মথুরানাথ মজুমদারকে আমি অনেক দিন হইতে জানি। বৈভবে ইনি হুপ্রসিদ্ধ কবিরাজ মহামহোপাধ্যায় দ্বারিকানাথ সেন মহাশয়ের ছাত্র। ইহার চিকিৎসায় বেশ যশ আছে। ইনি বাঙ্গালার কবিরাজী-সম্বন্ধে যে সকল প্রবন্ধ প্রকাশ করিয়াছেন, অধিকাংশ আমি পড়িয়াছি।”

সংস্কৃত কলেজের স্বেয়োগ্য প্রিন্সিপ্যাল মহামহোপাধ্যায় ডাক্তার শ্রীযুক্ত সতীশচন্দ্র বিদ্যাভূষণ এম. এ, মহোদয় বলেন,


“পণ্ডিত শ্রীযুক্ত মথুরানাথ কাব্যতীর্থ কবিচিন্তামণি মহাশয় আমার সুপরিচিত। আয়ুর্বেদশাস্ত্রে তিনি বিশেষ পারদর্শী। আমার নিজ ও পরিবারবর্গের জন্ম তিনি যে সকল ঔষধ ব্যবস্থা করিয়াছেন, তাহাতে আমরা প্রত্যেকেই সুফল পাইয়াছি। তিনি জীবনে উন্নতি লাভ করিলে, আমি অত্যন্ত সুখী হইব।”

কবিরাজ শ্রীমথুরানাথ মজুমদার, কাব্যতীর্থ, কবিচিন্তামণি,

৪৮ নং বোসপাড়া লেন, বাগবাজার, কলিকাতা।

মণ্ডল ফুলট।

দেশবিখ্যাত রাজা, মহারাজ, ব্যাণ্ডমাষ্টার, প্রফেসর প্রভৃতি দ্বারা পরীক্ষিত ও প্রশংসিত— দেশীয় এবং হিন্দুস্থানী সুরে গান এবং গং বাজাইবার অত্যুৎকৃষ্ট বহু-প্রচলিত মনোমুগ্ধকর “মণ্ডল ফুলট” উপযুক্ত



মূল্যে ও গ্যারান্টি সহ বিক্রয়ার্থ প্রস্তুত আছে। সঙ্গীতাত্মরাগী প্রত্যেকেরই পরীক্ষা একান্ত প্রার্থনীয়। আত্ম-প্রশংসা নিম্প্রয়োজন। মূল্য ৩৯, অক্টেভ ৩ ষ্টপ ৩৫, ঐ সূক্ষ্ম কাজ করা ৩০, টাকা। ঐ দুই শেট রীড, ৪ ষ্টপ ৬০, এবং ৭৫, টাকা।

মণ্ডল এণ্ড কোং—৩নং বৌবাজার স্ট্রীট, কলিকাতা।

মিলনে ও প্রীতি-উপহারে

“গৌরীদের সুগন্ধি কেশতৈল”

ব্যবহার করুন।

গুণে, গন্ধে, বিজ্ঞান-জগতে অভিনব সৃষ্টি।

মাথাধরা—ঘোরা, কালব্যথা, অকাল পকতা, টাকপড়া, দৃষ্টিশক্তির অপ্রাথবা ও কেশহীনতা অচিরে দূর হয়। এইরূপ প্রশংসিত বহুদিবস-স্থায়ি-গুণ-গন্ধ-বিশিষ্ট তৈল ব্যবহার করুন। মূল্যবান দেশীয় উপাদানে প্রস্তুত হইলেও হুলভ মূল্য চারি আউন্স বড় বোতল ১০ মাত্র। আর অর্থ নষ্ট করিয়া বাজারের তৈল কিনিয়া হতাশ হইবেন না। কোন মহিলা ইহাতে উপকার অল্পভব করিতে না পারিলে, আমায় জানাইবেন; মূল্য ফেরৎ দিব।

“অনোলা” এসেন্স এক আউন্স ১৫০ মাত্র, তি, পি, ব্যয় স্বতন্ত্র।

শ্রীগৌরিবালা দে, খড়গপুর।

সোল এজেন্ট, আর, কে, দে এণ্ড ব্রাদার্স, পোঃ খড়গপুর (মেদিনীপুর)

শাহকগণ পত্রে অল্পগ্রহপূর্বক এই পত্রিকার উল্লেখ করিবেন।

বা, বো, বিজ্ঞাপন।

আমাদের জীবন-দশা

অর্থঃ

আমাদের অধঃপতনের মূল-কারণ, ইন্দ্রিয়-সংযম না করিবার পরিণাম, রসবাসনের অবস্থা, অসঙ্গত ভোজন-পদ্ধতি, মনঃ-সংযমের উপ-কারিতা এবং আমাদের এই দুর্বস্থা কবে অপনোত হইবে ইত্যাদির বিষয় বিশদরূপে বর্ণিত পুস্তক বিনামূল্যে এবং বিনা মাশুলে বিতরণ করা হয়।

কবিরা—

শ্রীমণিশঙ্কর গোবিন্দজি শাস্ত্রী,
আতঙ্ক-নিগ্রহ ঔষধালয়, ২১৪নং বড়বাজার স্ট্রীট, কলিকাতা।

লাহিড়ী এণ্ড কোং,

হোমিওপেথিক ঔষধ- ও পুস্তক-বিক্রেতা।

প্রধান ঔষধালয়—৩৫ নং কলেজ স্ট্রীট, কলিকাতা। শাখা ঔষধালয়সমূহ—
১। বড়বাজার শাখা, ২। বনফিল্ডস লেন, বড়বাজার, কলিকাতা ;
সম্প্রতি ১৫ নং ক্লাইভ স্ট্রীটে স্থানান্তরিত হইয়াছে। (২) শোভাবাজার শাখা,
২৯৫।১ অপার চিংপুর রোড, কলিকাতা ; (৩) ভবানীপুর শাখা, ৬৮ রদারোড,
ভবানীপুর, কলিকাতা।

হোমিওপ্যাথিক ঔষধ, পুস্তক ও চিকিৎসকের প্রয়োজনীয় যাবতীয় দ্রব্য
বিক্রয়ার্থ প্রস্তুত থাকে। ঔষধের অকৃত্রিমতা-রক্ষার্থ সহরের কয়েকজন
সুশিক্ষিত চিকিৎসকের তত্ত্বাবধানে ঔষধাদি প্রস্তুত হইয়া থাকে। শিশি, কক,
থার্মিটার, স্পিথসকোপ, গ্লবিউল, পিলুল, ঔষধপূর্ণ বাক্স ইত্যাদি বিশেষ সুবিধা
দরে বিক্রীত হইয়া থাকে। কোন পীড়া বা হোমিওপ্যাথী-সম্বন্ধে পত্র লিখিলে
সত্বর উত্তর দেওয়া হয়। পত্র লিখিলেই বিনা মূল্যে ইংরাজী ও বাঙ্গালা
ক্যাটালগ প্রেরিত হয়।

ডাক্তার জগদীশচন্দ্র লাহিড়ী-কৃত গৃহচিকিৎসার সপ্তম সংস্করণ বাহির
হইয়াছে ;—মূল্য ৬০/- ;—হোমিওপ্যাথি-শিক্ষার্থিনী মহিলাদিগের জন্য লিখিত।
ভাষা অতিসরল ও সুন্দর।

বায়াবোধিনী পত্রিকা।

No. 671.

July, 1919.

“कान्याद्यैवं दान्त्वनीया शिखणीयातिथनतः।”

কন্যাকেও পালন করিবে ও যত্নের সহিত শিক্ষা দিবে।

স্বর্গীয় মহারা উমেশচন্দ্র দত্ত, বি, এ, কর্তৃক প্রবর্তিত।

৫৬ বর্ষ।

৬৭১ সংখ্যা।

আষাঢ়, ১৩২৬। জুলাই, ১৯১৯।

১১শ কল্প।

৪র্থ ভাগ।

বরষা-রাত্রে।

বিরাট আধার স্বরণ মর্ত্তে করিয়াছে একাকার,
নীরব, নিথর সারাটা ভুবন, দৃষ্টি চলে না আর!
বিশ্ব কাপায়ে হুকারে মেঘ দূর-গগনের গায়,—
লুকোচুরী খেলা খেলিছে চপলা ; পলকে ছুটিয়া যায়!
বিটপি-শীর্ষে বিহগের দল শঙ্কাজড়িত চিতে
আজি হৃদ্দিনে লভিছে বিরাম আপন কুলাগটিতে।
অর্কুদ কোটা অম্বরে তারা স্থপ্তি লভিছে আজি,
ধরণীর শিরে আর না বিতরে-স্নিগ্ধ কিরণ-রাজি!
এ হেন স্থপ্ত নিশায় জাগিয়া সরোবরে ভেকদল,
নীরবতা ভাঙ্গি ভগ্নকণ্ঠে ফুকারিছে অবিরল।
গাহিছে বিল্লী বক্ষ বিদারি হইয়া আপনাহারা
মৃহনবন্ধা অগতবানীরে দিয়ে বেন বায় পাড়া!
বাতায়নপথে অনিমেষে যবে চাহি বিশ্বের পানে,
উদাস হরষ অন্তরে মোর কে যেন বহিয়া আনে!

শ্রীগোপিকাকান্ত দে।

গানের স্বরলিপি।

বেহাগ খাম্বাজ—আড়াঠেকা।

আমার আর ভালো নাহি লাগে—

সংসার-সাহারায় বিচরিনু কত

জরজর প্রাণ মন কাঁদে !

প্রেমের তৃষা হেথা মেটে না-মেটে না,

জীবন-কমল হেথা ফোটে না—ফোটে না,

অকূল প্রেম-সাগর বিনে

(বৃথা) তৃষা-হরণ আশা জাগে ॥

কথা ও সুর—শ্রীযুক্ত নির্মলচন্দ্র বড়াল, বি, এল্।

স্বরলিপি—শ্রীমতী মোহিনী সেনগুপ্তা।

সা পা II -পধা -গা -সী -গধা । -ধপা -পমা গা -।
আ মা র আ বৃ

১ গা মা পা পগা । পা -মপমপা -গা রসা I সা -। পা -।
ভা লো না হি . না গে . স ং সা র

২ পা ধা গা -। -সী -গধপা পা ধা । পা পা মা গা I
সা হা রা রি হু ক ত

৩ গা গা গা গা । মা -। মপা -। -মা -গা পা -ক্কাগা ।
জ র জ র প্রা ণ ম ন কাঁ . .

৪ রা সা সা পা II
দে "আ মা"

৫ পা পা II পা না না না । না সা সর্গা রা । সা সা সর্গা সা ।
প্রে মে র তৃ ষা হে থা মে টে . না মে টে না . জী

১ | সা সা সা না I ধপা পা পা পা । পনা না সা সা ।
ব ন ক ম ল . হে থা ফো টে . না ফো টে

২ | নধপা সা সপা -। পা না ধা পা I পা পা ধপা মমা ।
না . . অ কু . ল প্রে ম সা গ র বি নে . বৃথা

৩ | মা মমা মা মা । মা মা পা ক্কাগা । -রা সা সা পা II II
তৃ ষা . হ র ণ আ শা জা . . গে "আ মা"

হিন্দুর তীর্থনিচয়।

(পূর্বে প্রকাশিতের পর)

গড়মুক্তেশ্বর।

মিরাট-জেলার অতঃপাতী গড়মুক্তেশ্বর-পরগণায় গড়মুক্তেশ্বর-নামে একটি সহর আছে। ইহা গঙ্গার দক্ষিণতটে অবস্থিত। জনসংখ্যা ৭৯৬২; তন্মধ্যে ৫৪০১ হিন্দু এবং ২৫৬১ মুসলমান। এখানকার বাটীগুণি ইষ্টকনির্মিত। বাজারের পশ্চিমদিকে ৪টা পাহুনিবাস আছে। পাহুগণ এখানে আসিয়া আশ্রয় গ্রহণ করে। ইহার পরই মদ্য-বিক্রয়ার্থ একটি বাজার আছে। এখানে একটি চিকিৎসালয়ও আছে। এখানকার কূপোদক অতিস্বাচ্ছন্দ্য। ৩০ বা ৪০ ফিট নিম্ন হইতে জল উঠাইতে হয়। চাষই এখানকার লোকদিগের উপজীবিকা। বাণিজ্যবস্ত্র সামগ্রীই দেখা যায়। বাঁশ ও বাহাদুরী কাষ্ঠই এখানকার বাণিজ্য পদার্থ।

গড়মুক্তেশ্বর হস্তিনাপুরের একটি মহল্লা-

মাত্র। ভাগবত-পুরাণ এবং মহাভারতে ইহার উল্লেখ দেখা যায়। এখানে একটি পুরাতন দুর্গ ছিল। মহারাষ্ট্রীয় সেনাপতি মীরভবনই এই দুর্গটির সংস্কারক। পারসীক ঐতিহাসিকগণ গড়মুক্তেশ্বরকে একটি সেনা-নিবাস বলিয়া উক্ত করিয়াছেন। এখানে মুক্তেশ্বর-মহাদেব আছেন বলিয়াই স্থানটির নাম গড়মুক্তেশ্বর। এখানে সুবৃহৎ মন্দির-চতুষ্টয় বিদ্যমান আছে; তন্মধ্যে দুইটি পাহাড়ের উপর এবং দুইটি নীচে। সকল মন্দিরগুলিতেই গঙ্গার মূর্তি আছে। মূর্তিগুলি শ্বেতপ্রস্তর-দ্বারা নির্মিত। ইহাদের পরিধানে কিংখাপের কাপড়। যাত্রিগণ গঙ্গাদেবীর পূজা করে। মিরাটের সন্নিকটে যে গঙ্গার মন্দির আছে তথায় একটি পুতুকুপ দৃষ্ট হয়। বিগতকলুষ হইবার মানসে যাত্রিগণ তথায় স্নান করে। এই মন্দিরের সন্নিকটে ৮০টা সতীস্তম্ভ আছে। পূর্বে এখানে রমণীগণ তাঁহাদিগের মৃত

স্বামীর সহিত সহমৃত্যু হইতেন। কার্তিকী পূর্ণিমাতে এখানে একটা মেলা হয়। এই মেলাতে প্রায় দুই লক্ষ লোকের সমাগম হইয়া থাকে। ইহার দ্বিগুণ লোক ৬ষ্ঠ বা দ্বাদশ বৎসরের মেলায় এবং তদপেক্ষা অধিক লোক ৫০ বৎসরের মেলায় আইসে। গোমতী অমাবস্যায়, বৈশাখী পূর্ণিমায় এবং জ্যৈষ্ঠ মাসের শুক্ল-নবমীতে মেলা হইয়া থাকে। নদীর পরপারে খাইবার জন্ত ফেরী আছে। পূর্বে নদীর উভয়তটে নিবিড় বন ছিল। ব্রাহ্মগণ তথায় বাস করিত। এখন জঙ্গল আর নাই; স্তূত্রাং ব্রাহ্মও দেখা যায় না।

চিত্রকূট।

প্রয়াগ হইতে চিত্রকূট যাইতে হইলে মাণিকপুরে নামিতে হয়। G. I. P. রেলওয়ের ট্রেনে চড়িয়া কারউই যাইতে হয়। এখান হইতে চিত্রকূট যাইবার রেল আছে। বাঁদা-জেলার অন্তঃপাতী কারউই তহসিলে চিত্রকূট পাহাড় অবস্থিত। ইহার অল্প এমটি নাম কামতা। পাহাড়ের নিম্নদেশটা তিন মাইল বিস্তৃত। ইহার অর্ধমাইল দূরে পয়স্বিনী নদী প্রবাহিত। মন্দাকিনী-নামে ইহার একটা শাখা-নদী আছে।

কামতা-নাথ শব্দটা কামদানাথ শব্দের অপভ্রংশ। যিনি অর্থীর বাসনা পূর্ণ করেন, তিনিই কামদানাথ-নামে খ্যাত। ত্রেতাযুগে রামচন্দ্র অরণ্যে ভ্রমণ করিতে করিতে এইখানে আসিয়াছিলেন। রামায়ণে আছে, যখন কৈকেয়ীর কথায় রাজা দশরথ রামচন্দ্রকে বনে পাঠান, তখন রাম গঙ্গাপার হইয়া প্রয়াগে ঋষি ভরদ্বাজের আশ্রমে গমন করেন এবং

তাঁহার আজ্ঞানুসারে চিত্রকূটে প্রস্থান করেন। চিত্রকূট পঁছিয়াই রামচন্দ্র তাঁহার অনুজ লক্ষণকে একটা কুটির প্রস্তুত করিতে আদেশ দেন। পূর্ণকুটির তৈয়ার হইলে তাঁহারা দুই ভ্রাতা ও সীতাদেবী এখানে বহুদিন পর্যন্ত বাস করেন। পরে রামানুসন্ধানে ভরত আসিয়া তথায় পঁছিলেন। রামও ভরতকে এড়াইবার নিমিত্ত চিত্রকূট পরিত্যাগ করিয়া দণ্ডকারণ্যে গমন করেন।

মহাভারতের বনপর্বে চিত্রকূটের মহিমা লিখিত আছে। মহাভারত বলেন যে, মন্দাকিনীতে স্নান করিলে লোকে বিগত কল্মষ হয় এবং স্নানান্তে পিতৃ-ও দেব-গণের পূজা করিলে অশ্বমেধযজ্ঞের ফল হয় এবং মরণান্তে মুক্তিপ্রাপ্তি হয়।

নানাবর্ণের প্রস্তুত চিত্রকূটে প্রাপ্ত হওয়া যায় বলিয়াই ইহার নাম চিত্রকূট। পর্বতের নিম্নদেশ বেষ্টিত করিয়া একটা মঞ্চ আছে। এই স্থানে যাত্রিগণ পরিক্রমা করিয়া থাকে। প্রায় শত বৎসর পূর্বে পান্নার রাজা রামচন্দ্র কুণ্ডর এই মঞ্চটি নিৰ্মাণ করিয়া দেন। ভিন্ন ভিন্ন দেবতার নামে ৩৩টা স্থান আছে। তন্মধ্যে সাতটার নাম প্রসিদ্ধ; যথা, (১) কোটীতীর্থ, (২) দেবান্দনা, (৩) হনুমান-ধারা, (৪) স্ফটিক শীলা, (৫) অনসূয়া, (৬) গুপ্ত গোদাবরী এবং (৭) ভরতকূপ। হিন্দুমাত্রই এই স্থানগুলিতে স্নান ও পূজা করিয়া থাকেন।

কোটিতীর্থ যাইতে হইলে পাহাড়ের সিঁড়ি চড়িয়া যাইতে হয়। তীর্থস্থানে একটা কুণ্ড আছে। পর্বতের ধারা নিঃসৃত হইয়া এই কুণ্ডে পতিত হইতেছে। যাত্রিগণ

এইস্থানে স্নান করে। প্রবাদ এইরূপ যে, এইস্থানে কোটা ঋষি যজ্ঞ করিয়াছিলেন; তজ্জন্ত ইহার নাম কোটীতীর্থ।

হনুমান্ধারা :—কোটিতীর্থের পর্বতশ্রেণী বহুদূর-বিস্তৃত। ইহার মধ্যে হনুমান্ধারা অতীব মনোরম স্থান। এখানে হনুমান্ধারী বিশালমূর্তি অবস্থিত। ইহার মস্তকের উপর দিয়া পর্বতের ধারা দুইটা কুণ্ডে পড়িতেছে। চারিশত সিঁড়ি না চড়িলে হনুমান্ধারার পঁছিতে পারা যায় না। স্থানটি বনস্পতিগণে পরিশোভিত, বলিয়া বড়ই মনোরম। এখানে দুই একটি সাধুর বাস দেখা যায়।

স্ফটিক-শীলা :—চিত্রকূটের লোকালয় হইতে এক মাইল দক্ষিণে মন্দাকিনীর তটে প্রমোদ-বন অবস্থিত। এখানে রেংওয়া নরেশ-নির্মিত লক্ষ্মীনারায়ণের একটা সুন্দর মন্দির আছে। এই বনের এক মাইল দক্ষিণে মন্দাকিনীর বাম তটে প্রসুরের একটা টিবি আছে। ইহাই স্ফটিকশীলা নামে খ্যাত। প্রবাদ এইরূপ যে, এইস্থানে ইন্দ্রপুত্র জয়ন্ত কাকমূর্তি ধারণ করিয়া সীতাদেবীর স্তনে চক্ষু-দ্বারা আঘাত করিয়াছিল, কিন্তু রামায়ণের মতে এ ঘটনাটা গোদাবরীতটে সজ্ঘটিত হইয়াছিল।

অনসূয়াঙ্গী :—সীতাপুর হইতে ৮ মাইল দূরে অনসূয়ার মন্দির অবস্থিত। মন্দাকিনীর বামতটে ও পাহাড়ের পাদমূলে দুইটা দেবালয় আছে, তন্মধ্যে একটীতে অনসূয়ার ও অগ্ৰ-টীতে অত্রিযুনির মূর্তি আছে। যাত্রিগণ ইহার সন্নিকটে এক পান্থনিবাসে বাস করে।

গুপ্ত গোদাবরী :—অনসূয়া হইতে চারি মাইল দূরে গুপ্তগোদাবরী অবস্থিত। এক

অন্ধকার-পরিপূর্ণ গুহার মধ্যে সীতাকুণ্ড দেখা যায়। কুণ্ডটা অগভীর। যাত্রিগণ এখানে বসিয়া বসিয়া স্নান করে। ঝরণার জলদ্বারা কুণ্ডটা পূর্ণ হয়। এই গুহার কিছুদূরে এক মন্দির আছে। মন্দিরের অন্ধকার এত গাঢ় যে, বিনা প্রদীপে কিছুই দেখা যায় না। এখানে যাইতে বড়ই কষ্ট হয়। বাহিরে দুইটা কুণ্ড হইতে জলধারা নিঃসৃত হইয়া কিছুদূরে অদৃশ্য হইয়াছে। ইহাই গুপ্তগোদাবরী-নামে খ্যাত।

ভরতকূপ :—গুপ্তগোদাবরী হইতে দেড় মাইল দূরে একটা লোকালয় আছে। ইহাই চৌবেপুর নামে খ্যাত। এখান হইতে প্রায় ছয় মাইল দূরে ভরতকূপ অবস্থিত। ভরত-কূপের সন্নিকটেই মন্দিরে রাম, লক্ষণ, ভরত ও শক্রবৈর মূর্তি আছে।

তুলসীদাস-কৃত রামায়ণে উক্ত হইয়াছে যে, চিত্রকূটে একটা অনাদিসিদ্ধ-স্থল গুপ্ত ছিল। এই স্থানে অত্রিঋষির শিষ্যগণ জলের জন্ত কূপ খোদিত করে। রামচন্দ্র স্বীয় অভিষেক অস্বীকার করিলে, ভরতের অভিষেকের জন্ত নানা তীর্থের জল এই কূপে একত্র করা হয়। এই জন্ত ইহার নাম ভরত-কূপ। বলা বাহুল্য, নানা তীর্থোদক-দ্বারা এই কূপটা পূত হইয়াছে।

চিত্রকূটে দুইটা বৃহৎ মেলা হইয়া থাকে। তন্মধ্যে একটা চৈত্রমাসে এবং অগ্ৰটি কার্তিক-মাসে। পূর্কোক্তটি রামনবমী এবং শেষোক্তটি দিবালীতে (দীপমালিকাতে) হইয়া থাকে। এতদ্ব্যতীত মাসার্ধে এবং গ্রহণে একটা করিয়া মেলা হয়। এই সময়ে পয়স্বিনী নদীতে স্নান, পর্বতের পরিক্রমা, মহাবীর ও মুখর বৈদ্যের

পূজা হইয়া থাকে। কেহ কেহ চরণপাত্কার পূজা করে। এই চরণপাত্কা রামচন্দ্রের পদচিহ্ন বলিয়া খ্যাত। পয়স্বিনী-নদীতে বাহা কিছু দান করা যায়, তৎসমুদয়ই গঙ্গাপুত্রের প্রাপ্য। ইহারা জাতিতে ব্রাহ্মণ। অত্যাণ্ড স্থানের পূজা পূজারিগণ প্রাপ্ত হইয়েন। পূজারিদিগের মধ্যে যিনি শ্রেষ্ঠ তিনি মহাস্ত নামে খ্যাত। এই মহাস্তের ৩৯ টি নিষ্কর গ্রাম আছে। ইহার বাৎসরিক আয় ২৪ সহস্র মুদ্রা। এতদ্ব্যতীত মিত্ররাজ্যেও মহাস্তের অনেকগুলি গ্রাম আছে। পূর্বে পূর্বে মেলাতে বহুলোকের সমাগম হইত, কিন্তু এখন তাহার তৃতীয়াংশ হইয়া থাকে। ইহার কারণ এই যে, রাজগণ পূর্বকোর ছায় তেমন আর মেলায় যান না। 'কাকই'এর পেশোয়া-বংশধরগণও

এখন দুহু হইয়া পড়িয়াছে। পূর্বে পূর্বে দীপমালিকার সময় ৪৫ সহস্র এবং রাম-নবমীতে ৩০ সহস্র লোকের সমাগম হইত। এক্ষণে পাঁচ সহস্র এবং দশ সহস্র লোকের জনতা হয় মাত্র।

চিত্রকূটের মন্দিরগুলির মধ্যে কতিপয় ইষ্টক-ও কতিপয় প্রস্তর-নির্মিত। সর্বশুদ্ধ প্রায় ৩৬০ টি মন্দির আছে। তন্মধ্যে ১০০ ভগ্নাবস্থায় এবং ২৬০ টি উত্তম অবস্থায় অবস্থিত। এখানে পূজারীর সংখ্যা ১২০০। স্নানের জন্ত ৩০ টি ঘাট আছে। চিত্রকূটে যেমন পাণ্ডার সংখ্যা অধিক তেমনই রূপী বাঁদরের। বাঁদরের উপদ্রব হইতে রক্ষা পাইবার জন্ত লোকে ছাদের উপর কাঁটা দিয়া রাখে। (ক্রমশঃ) শ্রীহেমন্তকুমারী দেবী।

আত্মবিসর্জন।

(পূর্বপ্রকাশিতের পর)

চতুর্থ দৃশ্য।

[হেমচন্দ্রের বাটী-সংলগ্ন পুষ্পোদ্যান ;—

চিত্তামগ্ন হেমচন্দ্র একাকী বসিয়া—

রমার প্রবেশ]

রমা। বাবা!—

হেম। কি মা?

রমা। বাবা!—

হেম। কি বলছ মা?

রমা। বাবা, আপনি বাড়ী বিক্রী ক'রে আমার—

হেম। হুঁ! পাগলামী ক'র্তে এসেছে!

রমা। বাবা, আমি পাগলামী করি নি,

যথার্থ বলছি। আমার জন্তে মাথা রাখবার স্থানটুকু নষ্ট কর্বেন না! বাড়ীখানি বেচে আপনারা যে নিরাশ্রয় হবেন, আমি তা সহ্য ক'র্তে পার্ক না। আপনার পায়ে পড়ি, বাবা, এ কাজ কর্বেন না।

হেম। মা, কেন তুমি মনে কষ্ট ক'চ্ছ? তুমি মনের মতন স্বামী পাবে, রাজরাণী হয়ে স্বখে ঘর করবে; আমরা তোমার বিয়ে দিয়ে কাশী-বাস করব। প্রফুল্ল বড় ভাল ছেলে, প্রফুল্লর সঙ্গে বিয়ে হলে, তুমি খুব স্বখে থাকবে মা!

রমা। বাবা, আপনাদের স্নেহে আমি

অতুল স্বখভোগ ক'চ্ছি, এর চেয়ে স্বখ আর আমি চাই না। আমি চির-কুমারী থেকে আপনাদের চরণসেবা ক'রব, আমাকে এই অধিকার দিন।

হেম। এ সংসারে কার মেয়ে চিরকুমারী আছে মা? বরং পুরুষের পক্ষে এ-কথা খাটে; স্ত্রীলোকের পক্ষে খাটে না।

রমা। কেউ কুমারী না থাকে, না থাক;—আমি থাকবো। আমি সমাজকে দেখাব যে, বাপ-মার পরমা না থাকলে মেয়ে কুমারী থাকতে পারে। আপনার পায়ে পড়ি, বাবা, বাধা দেবেন না!

হেম। তুমি ছেলেমানুষ, তাই ছেলে-মানুষের মতন কথা বলছ। এ সব কাজের কথা নয়। আমার বিরক্ত কোরো না, যাও!

রমা। বাবা, দয়া করুন, আমার কথা শুনুন। আপনি আমার জন্তে নিরাশ্রয় হবেন না। আমি চিরকুমারী থেকে আপনাদের চরণ-সেবা ক'রে মনের স্বখে দিন কাটাবো! এ সংসারের স্বখ কতক্ষণের জন্তে? আমি স্বখ, ঐশ্বর্য কিছুই চাই না, কেবল আপনাদের চরণ-সেবা ক'র্তে চাই। আপনার এ দুঃখিনী মেয়েকে তা থেকে বঞ্চিত ক'র্তেন না! আমাকে এই ভিক্ষা দিন, আপনার পায়ে পড়ি, বাবা!

(হেমচন্দ্রের চরণ-ধারণ)

হেম। চোপ-বাও বেহায়্যা মেয়ে! আমার স্বমুখে বিয়ের কথা বলতে লজ্জা ক'চ্ছে না? আমি তোমায় পরামর্শ দেবার জন্তে এখানে ডাকি নি। যাও, বাড়ীর ভেতর যাও।

[হেমচন্দ্র চলিয়া গেলেন। পরে রমাও

ধীরে ধীরে চলিয়া গেল]

(অপর দিক দিয়া প্রফুল্লর প্রবেশ)

প্রফুল্ল। কই রমা ত এখানেও নেই! বাড়ীতে দেখে এলুম সেখানেও নেই, এখানেও নেই! তবে গেল কোথায় রমা? রোজই ত' এমন সময় রমা এইখানে থাকে! আজ আসে নি কেন? তাকে নিজেই দুটো কথা বলব বলে খুঁজছি, কিন্তু দেখতে পাচ্ছি না! কোথায় গেল? ঠাকুর-বাড়ীতে গেছে কি? ঠাকুর বাড়ীতে ত' কোন কথা বলা হবে না, সেখানে অনেক লোক থাকে। এই বেদীটার উপরে একটু বসি। দেখি রমা আসে কি না।

(বেদীর উপরে উপবেশন)

মানুষের একবার যা যায়, তা' আর ফেরে না। শৈশবে কি স্বখের দিনই ছিল! বিমল আনন্দ দিন-রাত্রি কত উপভোগ ক'রেছি। তখন সংসারের ক্লেশে হৃদয় পঙ্কিল হয় নি। এখন ত' আর তেমনটি নেই? এখন যে-সংসারের বাতাস গায়ে লেগেছে, সংসারের ঝড়ে সব উলটে পালটে দিয়েছে। আর সে দিন ফিবে না! তখন দিনরাত রমার সঙ্গে খেলা ক'রেছি, একসঙ্গে দু'জনে বেড়িয়েছি, কিন্তু এখন আর সে-রকম হয় না। এখন রমা আমার কাছে আসতে লজ্জা করে, একলা তার সঙ্গে কথা কইতে গেলে আমারও সঙ্কোচ হয়! কেন এমন হয়, তাকি কেউ বলতে পারে?

(রমার পুনঃপ্রবেশ)

এস, রমা, তোমাকে একটা কথা বলবার জন্তে আমি অনেকক্ষণ ধরে তোমায় খুঁজ-ছিলুম। অনেকক্ষণ এখানে বসে আছি। কাছে এস, একটা কথা শুনে যাও।

রমা। কি কথা?

প্রফুল্ল। (উঠিয়া) আমাকে এত ভয়

কেন, রমা? আমার কাছে আসতে এখন তোমার এত লজ্জা হয়!

রমা। (কিঞ্চিৎ অগ্রসর হইয়া) কি বল্ছ?

প্রফু। দেখ রমা, এতদিনে আমার চিরকালের আশা পূর্ণ হবার উপক্রম হয়েছে বটে, কিন্তু তা বড় ভয়ঙ্কররূপে। বাবা তোমার সঙ্গে আমার বিয়ে দিতে রাজী হয়েছেন, কিন্তু তোমার বাপের কাছ থেকে দশ হাজার টাকা চেয়েছেন; আর তিনি বাড়ী বিক্রী করে বাবার সেই নিষ্ঠুর প্রার্থনা পূর্ণ কর্তে কৃত-সঙ্কল্প হয়েছেন, তা বোধ হয়, তুমি শুনেছ। কিন্তু আমি এমন নিরোধ, নিষ্ঠুর নই যে, তোমাদের আশ্রয়হীন করে তোমার বাপ, মা, ভাইকে রাস্তায় দাঁড় করিয়ে আমি আপনার অভিশাপ পূর্ণ কোরোঁ। বাবাকে অনেক বোঝালুম, আমার বন্ধুদের দিয়ে বিস্তর অনুরোধ করালুম, যাতে করে তোমার বাপের কাছ থেকে এই টাকাটা না নেওয়া হয়, কিন্তু দুঃখের কথা কি বলব, রমা, তিনি কিছুতেই তা শুনলেন না; উণ্টে আমাকে বক্তে লাগলেন। রমা, তোমাকে বিয়ে কোঁরোঁ, এ আমার চিরদিনের সাধ। আমি অগ্র ক'কেও বিয়ে করে স্ত্রী হতে পার্ক না। তাই আমি নিজে মনে মনে একটা মতলব ক'রেছি। আমি দশ হাজার টাকা যোগাড় করেছি। সেই টাকাটা গোপনে তোমার বাবাকে দিয়ে যাব, মনে ক'চ্ছি। তিনি তা আমার বাপকে দিয়ে তাঁর দারুণ অর্থলিপ্সা দূর করুন। তিনি কি এ-প্রস্তাবে সন্তুষ্ট হবেন না। আমি তাঁকে টাকাটা ধার দিচ্ছি মাত্র! সময় হলে আশায় ফিরিয়ে দেবেন।

তাঁকে এ-কথা বলতে আমার সাহস হ'চ্ছে না। বড় ভয় হ'চ্ছে। আমি টাকাটা নষ্ট করে এনেছি। কি করে তাঁকে দিয়ে যাই, বল দেখি? [রমা নীরব]

প্রফু। রমা উত্তর দিচ্ছ না কেন?

রমা। আমি কি বলব? যত অনিষ্টের মূল আমি। কুক্ষণে আমি জন্মেছিলুম।

প্রফু। এত আত্মপ্ৰাণির দরকার কি? আমিই তাঁর কাছে যাচ্ছি; তাঁকে কর্তব্যরূপ টাকাটা দিয়ে যাব। তিনি এতেও কি সন্তুষ্ট হবেন না? (প্রস্থানোদ্যত) এই যে তিনি এইখানেই আসছেন।

[হেমচন্দ্রের পুনঃ প্রবেশ ও অলক্ষিতে রমার প্রস্থান]

প্রফু। (কিছু ইতস্ততঃ করিয়া) আপনার সঙ্গে একটা কথা ছিল—

হেম। কি কথা প্রফুল্ল?

প্রফু। আমি কোন দিন আপনাকে কোন অনুরোধ করি নি। আপনাকে একটা অনুরোধ কর্তে এসেছি। আপনাকে তা রাখতেই হবে।

হেম। কি বল?

প্রফু। বলুন রাখবেন?

হেম। তোমার অনুরোধ রাখব না? যদি রাখবার মত হয়, অবশ্য রাখব।

প্রফু। দেখুন, আমি—

হেম। বলতে বলতে চুপ করে কেন, প্রফুল্ল? বল, আমার কাছে লজ্জা কি?

প্রফু। আমার বাবা অস্থায়রূপে আপনার কাছে যা চেয়েছেন, শুনলুম, আপনি আপনার বাড়ী বেচে, বাবার সেই নিষ্ঠুর প্রার্থনা পূর্ণ কর্তে চেয়েছেন।

হেম। হ্যাঁ, বাবা, নইলে ত আর আমার কোনও উপায় নেই।

প্রফু। আমি, আপনাকে মিনতি ক'রে বলছি, আপনি এ কাজ ক'রেন না। আমি আপনার কাছে বেশী কি বলব? বাবার এই নিষ্ঠুরতা স্মরণ করে আমি মর্মে মর্মে আঘাত পাচ্ছি, বড় লজ্জিত হয়েছি; আপনার কাছে, মুখ দেখাতে লজ্জা হচ্ছে।

হেম। সে কি কথা? তোমার লজ্জা কি প্রফুল্ল? আজ কালকার বাজারে টাকা খরচ না করে কি মেয়ের বিয়ে হয়? তোমার মত পাত্রে হাতে রমাকে দিতে পালে, আমি নিশ্চিত হব। সে-জগ্রে তোমার লজ্জার কারণ কিছুই নেই।

প্রফু। বাড়ী বিক্রী না করে, আমার কাছ থেকে দশ হাজার টাকা ধার নিয়ে আমার বাবাকে দিন। বাড়ী বিক্রী ক'রেন না। আপনার যখন সময় হবে, তখন আমাকে টাকাটা ফিরিয়ে দেবেন।

হেম। প্রফুল্ল! তোমার হৃদয় উদার, মহৎ। তুমি তোমার উপযুক্ত কথাই বলেছ। কিন্তু প্রফুল্ল! তোমার অনুরোধ রাখতে আমি অসমর্থ। এর নাম প্রবঞ্চনা। তোমার কাছ থেকে টাকা নিয়ে তোমার বাপকে দোব? না বাবা, সে অধর্ম আমি কর্তে পার্ক না। এ-সংসার ক'দিনের জগ্রে? বাড়ী-ঘর, ধন, ঐশ্বর্য, কিছুই ত চিরস্থায়ী নয়? সকলই ত গিয়েছে, না হয়, বাড়ীখানাও যাবে। এ-সব ত মানুষের সঙ্গে যাবে না। একমাত্র ধর্মই মানুষের ইহ-পরকালের সঙ্গী—সহায়। জেনে শুনে, আমি এমন অধর্ম কর্তে পার্ক না।

প্রফু। এতে অধর্ম কি? আমিও ত আপনার সন্তান!

হেম। প্রফুল্ল! ক্ষমা কর। এতে আমার মন বল্ছে অধর্ম, প্রাণ বল্ছে অধর্ম। আমায় এ-কাজ কর্তে তারা নিষেধ ক'চ্ছে।

প্রফু। আপনি অনুগ্রহ ক'রে কর্তব্যরূপ এ টাকাগুলি নিন; এর পর স্ত্রীবিধা হ'লে আমায় দেবেন। (এক তাড়া নোট প্রদানে উদ্যত)

হেম। এ টাকা আমি যে পরিশোধ কর্তে পার্ক, সে আশা আর আমার নেই, প্রফুল্ল! দেখতেই ত' পাচ্ছ চারিদিকে কু-গ্রহ সকল আমায় বিরে রেখেছে। যদি আমার অগ্র উপায় থাকত, তাহলে বাড়ী বেচতুম না। আমার রমা স্ত্রী থাকলেই আমি স্ত্রী হব। আমার রমাকে তুমি স্ত্রী কর! আমাকে ও অনুরোধ আর ক'র না। আমি রাখতে পার্ক না। রমাকে সংপাত্রে দেওয়া আমার কঠোর কর্তব্য। তোমরা পাঁচ-জনে মিলে আমাকে সে কর্তব্য হ'তে ব্রষ্ট কর না।

[প্রস্থান]

প্রফু। (স্বগত) আমি আগেই ভেবেছিলুম! আমি তোমায় চিনি। যাক—সব আশা ফুরিয়ে গেল! কিন্তু যাই হোক, বাড়ী বিক্রী কর্তে কিছুতেই দোব না। প্রেমের জগ্রে মনুষ্যত্ব-বিসর্জন দিতে পার্ক না। এত নীচ আমি নই। যদি কিছু না কর্তে পারি, একটা ভাল ছেলের সঙ্গে রমার বিয়ে দোব। আমার বন্ধুদের মধ্যে এমন অনেক আছে, যাঁরা পরসী না নিয়ে গরীবের মেয়ে বিয়ে কর্তে প্রস্তুত। তাঁর পর আমার—! যাক,

সে চিন্তা আর ক'র না। তা'হলে হয়ত কর্তব্য-ত্রুষ্টি হ'তে হবে।

[বহুক্ষণ পরে রমার পুনঃপ্রবেশ]

রমা। নারী-জন্মে ধিক্ ! যা'র জন্মে বাপ, মা, আত্মীয়-স্বজনকে কষ্ট পেতে হয়, সে-জন্মে সহস্র বার ধিক্ ! কেন ভগবান্ গরীবের মেরেকে চিরকুমারী থাকবার ব্যবস্থা ক'রে দেন্ নি ? বাবা আমার জন্মে মাথা রাখবার স্থানটুকু পর্য্যন্ত নষ্ট ক'র্তে বসেছেন, কিন্তু আমি বাবাকে কিছুতেই এ কাজ ক'র্তে দোব না। সংসারের স্মৃতি-ঐশ্বর্য আমি কিছুই চাই না; প্রফুল্লর আশা-পর্য্যন্ত আমি অন্যায়সে ত্যাগ ক'র্তে পার্কি। কিন্তু আমার বাপ মা, ভাই যে গৃহ হীন হ'য়ে পথে পথে ঘুরে বেড়াবে, আমি তা দেখতে পার্কি না। এর প্রতিবিধান আমাকে ক'র্তেই হবে। মেয়ে-মানুষ ব'লে কি কোন ক্ষমতাই নেই ? (সম্মুখে দেখিয়া) এ কে!—প্রফুল্ল এখানে! প্রফুল্ল! আমায় তুলে যাও, ভাই! অভাগিনীর স্মৃতি হৃদয় থেকে মুছে ফেল দাও, ভাই!

প্রফুল্ল। (স্বগত) রমা! আশৈশব তোমায় ভালবাসি। তুমি আমার সমস্ত হৃদয় যুড়ে ব'সে আছ। কেমন ক'রে তোমায় তুলব? কিন্তু অল্প উপায় নেই। প্রেমের জন্মে কর্তব্যে জলাঞ্জলি দিতে পার্কি না। (প্রকাশ্যে) হাঁ, রমা! যেমন করেই হোক পরস্পর পরস্পরকে তুলতেই হবে। না হলে উভয়েরই অনিষ্ট। আমি আমার জন্মে ভাবি না। ভাবনা তোমার জন্মে! ঈশ্বরের কাছে প্রার্থনা করি, তুমি বীর গৃহলক্ষ্মী হবে, তাঁকে যেন স্মৃতি ক'র্তে পার; নিজেও যেন স্মৃতি হও। তবে আজ বিদায় দাও, রমা! এ-জীবনে আর দেখা হবে না। (প্রস্থান)

রমার গীতি—

শৈশবের প্রীতি, প্রণয়ের স্মৃতি
তুলে যাও সখা, মনে রেখ না!
মিছে ভালবাসা, মিছে প্রেম-আশা,
প্রাণে বাগে শুধু বেদনা!
হৃথের আশায় বৃথা দিন যায়,
এখানে পূরে না বাসনা;
জুড়াইতে তাই, সেথা যেতে চাই,
যেথা গেলে যায় যাতনা!

পঞ্চম দৃশ্য।

হেমচন্দ্রের বৈঠকখানা।

হেমচন্দ্র, সর্কেশ্বর ও হরিদাস।

সর্কেশ্বর। বাবু, যা শুন্ছি তা কি সত্যি?
হেম। (বিরক্তি-সহকারে) কি শুন্ছ সর্কেশ্বর?

সর্কেশ্বর। আজ্ঞে আপনি না কি বাড়ী বেচে প্রফুল্লবাবুর সঙ্গে রমার বিয়ে দেবেন?

হেম। হাঁ, এ কথা সত্যি।

সর্কেশ্বর। হায়! এ যে কঠোর সত্যি বাবু! এ কথা মিথ্যা হলেই ভাল হ'ত।

হেম। কেন বল দেখি?

সর্কেশ্বর। কেন? বাড়ীখানি বিক্রী করলে আপনাদের কি হবে, একবার ভেবে দেখেছেন কি?

হেম। ভেবেছি ব্যই কি! না ভেবে এ কাজ করি নি।

হরি। (উত্তেজিত-স্বরে) কি ভেবেছেন বাবু? আমার মাথা আর মুণ্ড! কি ভেবেছেন? ছুখে কষ্টে পড়ে আপনার বুদ্ধি-শুদ্ধি লুপ্ত হয়ে গেছে।

হেম। বৃথা আমাকে তিরস্কার ক'চ্ছ

তোমরা। বৃথা! রমা কত বড় হয়েছে, সেটার হিসেব তোমরা রেখেছ কি? রমা যে ১৬১৭ বছরে পড়তে চললো।

হরি। তা হোক! এত বড় হয়েছে, না হয়, আরও একটু বড় হবে। আর ছ'বছর পরে সমস্তটা একটু ভাল হ'লে, তখন রমার বিয়ে দিলে হয় না?

সর্কেশ্বর। বাবু, বাড়ী বেচলে কি আর হবে? স্ত্রীবোধ কোথায় দাঁড়াবে? আপনারা কোথায় দাঁড়াবেন?

হেম। স্ত্রীপুত্রের হাত ধ'রে রাস্তায় দাঁড়াব, কান্দাবাসী হব, তবু আমাকে এ কাজ ক'র্তেই হবে, সর্কেশ্বর! কর্তব্য-সাধন ক'র্তেই হবে। লোকে আমাকে সমাজচ্যুত করেছে, আমায় দেখলে লোকে হাসে, টিটকারী দেয়। এ-সব আর আমার সহ্য হয় না। মানুষের প্রাণে আর কত নয়, বল?

হরি। দোহাই বাবু! আপনার পায়ে পড়ি বাবু, বাড়ীখানি বেচবেন না। স্ত্রীবোধের পৈতৃক সম্পত্তির মধ্যে এইটুকু আছে। এ থেকে তাকে বঞ্চিত ক'র্তেন না। এ বাড়ীতে ঢুকতে আমার কত আনন্দ হয়! এ আপনার বাড়ী নয়, আমার স্ত্রীবোধের বাড়ী! এই বাড়ীতে আপনাদের নিয়ে কত স্মৃতি কাটিয়েছি! আজ যে আপনি এ বাড়ী বিক্রী ক'রে ছেলে-পুলে নিয়ে রাস্তায় দাঁড়াবেন, তা আমার প্রাণে সহ্য হবে না। তার চেয়ে রমা চিরকাল আইবুড় হ'য়ে থাকে, সেও ভাল।

হেম। (বিরক্তির সহিত) তোমরা সকলেই ব'লছ, 'বাড়ী বিক্রী ক'র না, বাড়ী বিক্রী ক'র না।' গিন্নী ব'লছেন, 'বাড়ী বিক্রী

ক'র না', মেয়ে ব'লছেন, 'বাড়ী বিক্রী ক'র না', জামাই ব'লছেন, 'বাড়ী বিক্রী ক'র না', তোমরাও ব'লছ, 'বাড়ী বিক্রী ক'র না', কিন্তু বাড়ী না বিক্রী করে কি করি বল?

সর্কেশ্বর। দিন কতক একটু সবুর করুন, অল্প উপায় হবে। অল্প উপায়ে রমার বিয়ে দিন।

হেম। উপায় কি? মেয়ের বিয়ে ত দিতেই হবে? লোকের কাছে যে মুখ দেখাতে পারি না? সমাজচ্যুত হয়েও রক্ষা পাই নি; লোকের টিটকারির জালায় বাড়ীর বার হ'তে পারি না। খুনী ডাকাতেরও এমন অবস্থা হয় না। আমার যে কি যন্ত্রণা, তা তোমরা কি বুঝবে? এদিকে মেয়েরও ১৬১৭ বছর বয়স হতে চললো। জাত-কুল যেতে বসেছে! বাপু-ঠাকুরদাদার নাম ডুব্বো কি? তোমরাই বল?

সর্কেশ্বর। তা' কেমন ক'রে বলব বাবু? বংশের মর্যাদা আগে রাখতে হবে। তবে ব'লছিলাম কি, দিনকতক অপেক্ষা ক'লে ভাল হ'ত। চেষ্টা ক'লে যদি ছ'তিন হাজার টাকায় অল্প সংপাত্র পাওয়া যেত!

হেম। আজ কালকার বাজারে ছ'হাজার টাকায় ভাল ছেলে মেলে না। ছেলের বাজার বড় চড়া। আর ছ'তিন হাজার টাকায় যে-সব ছেলে পাওয়া যায়, তেমন ছেলের হাতে রমাকে দিতে পার্কি না! বাপু হয়ে মেয়েকে হাত-পা বেঁধে জলে ফেলে দিতে পার্কি না। বৃথা ব'লছ তোমরা, আমি স্থিরসঙ্কল্প। জানইত আমি যা ঠিক করি, তার কখনও নড়-চড় হয় না। (প্রস্থান; অপর দিক দিয়া সর্কেশ্বর ও হরিদাসের প্রস্থান)

ষষ্ঠ দৃশ্য।

হেমচন্দ্রের বাটীর অন্তঃপুর;—

সুসজ্জিতা রমা।

রমা। জীবনের সাধ, জন্মের সাধ, এ পৃথিবীর সাধ, আজ আমায় মিটিয়ে নিতে হবে! এ পৃথিবীর আলো, চাঁদের হাসি, ফুলের শোভা আর দেখতে পাব না। এই শেষ দেখা! যেখানে যাচ্ছি, সেখানে কি এ-সব নেই? কে জানে? থাক আর নাই থাক, এ পৃথিবী থেকে আজ আমায় বিদায় নিতে হবে, তাই আজ মনের সাধে সেজেছি। এক দিন ত' এ প্রাণ যাবেই, তবে আর এর জন্তে এত মায়ী কেন? যেতে যখন হবে, তখন দিন থাকতে যাওয়াই ভাল! ভগবান! নারীজন্ম বড় পরাধীন, তোমার সংসারে আর নারীর সৃষ্টি করো না! নারী-জন্মের এত জ্বালা! মেয়ে জন্মালে যদি বাপ-মা ভাইকে এত কষ্ট পেতে হয়, তবে তোমার পৃথিবী থেকে মেয়ের সৃষ্টি লুপ্ত ক'রে দাও। আমার জন্তে আমার বাপ-মা, কোলের ভাই আশ্রয়হীন হয়ে পথে পথে ঘুরে ঘুরে বেড়াবে, আর আমি সুখভোগ করবো? না না, তা কখনও হবে না। আপনি নিরাশ্রয় হ'য়ে বাবা কন্যাদায় থেকে উদ্ধার হবেন, লোকনিন্দার হাত থেকে অব্যাহতি লাভ করবেন, সমাজের হাত থেকে নিষ্কৃতি পাবেন, আর বত অনিষ্টের মূল আমি উচ্চশিক্ষিত রূপ-গুণবান স্বামী নিয়ে সুখে ঘরকন্না ক'রব! কেন? নারী কি এতই হেয়? এতই অপদার্থ? এত ঘৃণিত স্বার্থপর! নারী-জন্মে কি মহুষ্যত্ব থাকে না? নারীর প্রাণে কি কোন শক্তিই

নেই? আমাদেরই দেশের মেয়েরা একদিন গৌরবের শীর্ষস্থান অধিকার ক'রেছিল, তারা শাস্ত্র-চর্চায় ঋষিদের পরাস্ত ক'রেছিল, যুদ্ধক্ষেত্রে দীপ্ত বীর পুরুষকেও পরাজিত ক'রেছিল, আবার দরকার হলে হাস্তে হাস্তে নিজের প্রাণ জ্বলন্ত আগুনে বিসর্জনও দিয়েছিল। আমিও সেই দেশের মেয়ে, আমিও দেখাব, এখনও হিন্দুর কন্যার প্রাণে শক্তি আছে। তারা মরতেও ভয় করে না। আর নিষ্ঠুর সমাজও দেখুক, মেয়ের জন্তে বাপকে পথে বসতে হয় না। তারা নিজের উপায় নিজে ক'র্তে জানে। প্রফুল্লর হৃদয় কি উদার, কি মহৎ! টাকা নিয়ে বাবাকে কত সাধা-সাধি করলেন, ধার দিতে চাইলেন! বাবা নিলেন না। কেন নেবেন? এত ধার নেওয়া নয়, ভিক্ষা নেওয়া। এত টাকা বাবা এখন কি ক'রে শুধবেন? তিনি ভিক্ষা নিয়ে মেয়ের বিয়ে দেবেন? ছিঃ ছিঃ—কেন তিনি একাজ ক'রবেন? বাবার কাজ বাবা ক'রেছেন। সমাজ যদি আমাকে অবিবাহিতা থাকতে না দেয়, আমাকে স্বাধীনতার মুক্তবাতাস উপভোগ ক'র্তে না দেয়, তবে এইবার আমার কাজ আমি কোর্বো। বাড়ীর লেখা-পড়া সব শেষ হয়ে গেছে, পরশু রেজিষ্ট্রী হবে; আজ আমাকে না গেলেই নয়। আর এ পৃথিবীর মায়ী কলে চলে না। অল্প পথ আর নাই। মা, মা, বাবা, তোমাদের আদরের রমা আজ চলো! যাবার সময় তোমাদের একবার বলে যেতে পালো না! বললে ত আর তোমরা যেতে দেবে না! প্রাণের ভাই সুবোধ! আর তোর সঙ্গে দেখা হবে না, ভাই! একদণ্ড আমার

কাছ নইলে থাকতে পারিন্ না, আজ আমি তৌকে জন্মের মতন ছেড়ে চলেছি। রাগ করিন্ নি ভাই!—প্রফুল্ল! প্রিয়তম! এ জন্মে আমাদের মিলন হল না! যেম জন্মান্তরে তোমায় পাই! অভাগিনীকে ভুলে যাও, তুমি সুখী হও। (করবোড়ে) ভগবান! অবলাকে ক্ষমা কর। জানি না, কোথায় যাচ্ছি!—তোমার নিশ্চল জ্যোতির্ময় আলোকে কি অনন্ত অন্ধকারে! কিছ কি করি! উপায় কি! না, আর না, এই ঠিক সময় হয়েছে। সন্ধ্যার অন্ধকারে পৃথিবী ছেয়ে ফেলেছে! যাই, যাই! কেউ দেখতে পাবে না। হে দেবি—! অভাগিনীকে কোলে স্থান দিও, সতি! (প্রস্থান)

[প্রফুল্লর প্রবেশ]

প্রফুল্ল। শৈশবকাল থেকেই এই বাড়ীর সঙ্গে আমার ঘনিষ্ঠ সম্বন্ধ! এর ঘর, দালান, বাগান, পুখুর, প্রত্যেক স্থানটী আমার ভালবাসার সামগ্রী। সকলের চেয়ে ভালবাসতুম সেই ফুলটী! সময়ে সেই ফুলটীকে রক্ষা ক'রেছি! আশা ছিল, এক দিন হৃদয়ে ধারণ কোর্বো। কিন্তু আমার সে আশা পূর্ণ হ'ল না। এমন কি পুণ্য ক'বেছি যে, সেই অমূল্য রত্ন লাভ কোর্বো? অথচ ইচ্ছা ক'লেই এখনও পাই! কিন্তু তা হ'লে একটী ভদ্রলোকের সর্কনাশ করা হবে। এ সামান্য লোক নয়। এমন পুণ্যাত্মা, ধর্মভীরু, উদার, মহৎ লোক সংসারে বিরল! এমন লোককে গৃহহীন ক'রে নিজের স্বার্থ-সিন্ধি করা পশুর কাজ। আমি মানুষ হ'য়ে তা কেমন করে করব? না, তা' কখনই পারব না। যেমন ক'রে হোক রমাকে

ভুলবই। তা' না হ'লে বৃথা আমার শিক্ষা, বৃথা আমার চরিত্র গঠন, বৃথা আমার জন্ম। পুরুষ হ'য়ে এটুকু সহ ক'র্তে পারব না? নিশ্চয় করব! এ-সব নভেলি প্রেম আমার সাজে না। হায়! আগে আমি নভেলের প্রেমের কথা শুনে হেসে উঠতুম; তাবতুম, সে আবার কি!—কবির কল্পনামাত্র। কিন্তু এখন বুঝছি, 'ভালবাসা' ব'লে একটা জিনিস আছে, আছে। তা' চ'খে দেখতে পাওয়া যায় না, হাতে স্পর্শ করা যায় না, কানে শোনা যায় না, নাসিকায় ভ্রাণ করা যায় না, জিহ্বায় আশ্বাদ করা যায় না, কিন্তু প্রবলভাবে অনুভব করা যায়। কবি বলেছেন, 'ভালবাসা' স্বর্গীয়,—লাভ ইজ্ হেভন, এও হেভন ইজ্ লাভ—(“Love is heaven and heaven is love”) সে কথা ভুল। ভালবাসা বড় ভীষণ জিনিস। ভালবাসা মানুষকে অন্ধ করে, দিগ্-বিদিগ্-জ্ঞানশূন্য করে, কর্তব্যভার তুলিয়ে দেয়। আমিই জানি, হৃদয়ের সঙ্গে কি যুক্ত ক'ছি। যাক,—আবার সে চিন্তা কেন? মনে করেছিলুম, রমার সঙ্গে শেষ দেখা ক'রে যাব, কিন্তু তা' আর যাব না। তা'তে কোনও লাভ নেই; তাকে যন্ত্রণা দেওয়া মাত্র। তা'র হৃদয় আমি জানি, সে আমার কত ভালবাসে, তা' জানি। সে ত আর নিতান্ত বালিকা নয়! তা'তে তা'র মহান্ অনিষ্ট। আমি তাকে ভালবাসি, কেমন ক'রে তার অনিষ্ট করব? আর আমার এখানে থাকা উচিত নয়। কি জানি, আমার অনিচ্ছায় আমার প্রাণ যদি তা'র কাছে আমায় টেনে নিয়ে যায়। শীগ্গির আমি বিদেশে চলে যাব। তবে এখানকার

কাজটা শেষ কর্তে হবে। রমার বিয়ের ঠিক করে ফেলেছি; তা দিয়ে যেতে হবে। এ রত্নহার যে গলায় পরবে, সে ভাগ্যবান। —তা'র অদৃষ্টেই আছে। একবার হেমবাবুর সঙ্গে দেখা করে আসি। তাঁকে বলে আসি, বাড়ী বিক্রী কর্তে হবে না, আমি সংপাত্ৰ ঠিক করেছি। আপনার একটি পয়সাও দিতে হবে না।

[বাড়ীর মধ্যে প্রবেশ করিতে করিতে]

এ কি! বাড়ীর ভিতর ঢুকতে বুক কাঁপছে কেন? হৃদয়, স্থির হও, আমায় জ্বালাতন কর না। তা হ'লে তোমায় উপড়ে ছিড়ে ফেলব। রমা? রমা আমার কে? কেউ নয়। সে আমার কেউ নয়—পরম শত্রু!—

[হরিদাসের বেগে প্রবেশ]

হরি (ব্যস্তভাবে) এ কে! প্রফুল্লবাবু? সব শেষ! (সক্রন্দন) রমার ভ্রমাবশেষ!—

* * * *

অন্নপূর্ণা। (সক্রন্দন) রমা রমা, মা আমার, কোথায় গেলি? আমায় সঙ্গে নিয়ে যা। আমায় ছেড়ে যে তুই একদণ্ড থাকতে পারিস না মা, কেমন করে জন্মের মতন ছেড়ে চলি? ওঃ—মা গো, আমার কি হ'ল? আমি কোথায় যাব! বাপরে!—

সপ্তম দৃশ্য।

হেমচন্দ্রের বহির্বাটী।

হেমচন্দ্রের প্রবেশ।

হেম। সব ফুরিয়ে গেছে, সব ঠাণ্ডা হ'য়ে গেছে! আর কোনও আত্মীয় জানতে আসে না, আমার মেয়ের বিয়ে হ'ল কি না! মেয়ে বড় হ'য়েছে বলে আর কোন বন্ধু আত্মীয়তা কর্তে আসে না। সব চূপ চাপ, সমস্ত নীরব নিস্তর! সবাই নিশ্চিন্ত হয়েছে!

এত দিন ভাবনায় কারও ঘুম হ'ত না, আজ আমার স্বদেশবাসীরা নিশ্চিন্ত হয়ে শুখে ঘুমুচ্ছে। এ বাংলা রসাতলে যাক! যে-দেশের লোক পরনিন্দা পরকুৎসা নিয়েই থাকে, পর-পীড়নে যে দেশের লোকের উল্লাস, পরচর্চায় যে দেশের লোকের উৎসাহ, যে দেশে কেউ কারও ভাল দেখতে পারে না—যে দেশে মানুষ মানুষের হিংসা করে, যে দেশের লোকের আত্মোন্নতির জন্ম ঐকান্তিক চেষ্টা নাই, নিজের অধঃপতন-নিজে বুঝতে পারে না, সে দেশ উৎসন্ন যাক! রমা, আমার রমা কোথায় গেল? রমা, রমা, আয়, একবার কাছে এসে দাঁড়া; একবার 'বাবা' বলে ডাক! তুই চিরকুমারী হয়ে থাকতে চেয়েছিলি, কেন তোকে আমি তা' রাখি নি? তা'হলে ত এমন করে হৃদয় জ্বলত না। আমিই তোকে মেরে ফেলেছি। আমি বাপ, তোকে সংপাত্রে দেওয়া আমার কর্তব্য, আমি তা পারি নি! আমাকে নিষ্ঠুর সমাজের হাত থেকে রক্ষা করবার জন্তেই আমার স্নেহময়ী কণ্ঠা আত্মবলি দিয়েছিল।

[প্রফুল্লর প্রবেশ।]

কে?—প্রফুল্ল? প্রফুল্ল, কে আমার এমন সর্বনাশ করলে? আমি ত কারও কোন অনিষ্ট করি নি?

প্রফুল্ল। আপনি জানী। আপনাকে আর আমি কি বোঝাব? সে পাপ-সংসারের নয়, কেন সে এ পাপ-সংসারে থাকবে? জু'দিনের জন্তে এসেছিল, নিজের মন্ব দেথিয়ে কাজ করে চলে গেছে। তা'র এ আত্মহত্যা নয়, এ আত্মবিসর্জন।

হেম। ঠিক বলেছ। সে স্বর্গের দেব-বালী। আমি সংসারের অধম জীব, তাই সে ঘৃণায় আমায় ছেড়ে চলে গেছে!

প্রফুল্ল। আপনি কাতর হবেন না। রমা সংসারে অক্ষয়কীর্তি রেখে গেছে। তার এ অদ্ভুত আত্মত্যাগ সমাজের গায়ে উজ্জল অক্ষরে লেখা থাকবে। তা'র এই আত্মবিসর্জন অন্ধ সমাজের চোখ ফুটিয়ে দিয়ে গেছে। জানবেন, অমঙ্গলের ভিতরেও ঈশ্বরের মঙ্গল হস্ত নিহিত আছে।

হেম। ভুল প্রফুল্ল! ভুল! সব ভুল!

আমাদের সমাজের চোখ ফুটবে? তা' তুমি মনেও স্থান দিও না। আমরা জোরে কলম চালাতে পারি, বক্তৃতার শ্রোতে দেশ ভাসিয়ে দিতে পারি, কিন্তু কার্যকালে আমাদের অস্তিত্ব খুঁজে পাবে না। এই হচ্ছে আমাদের স্বভাব, এই আমাদের ধর্ম, এই আমাদের নীতি, এই আমাদের অস্থি-মজ্জাগত গুণ। যুগ-যুগান্তরেও এ নীতির ব্যতিক্রম ঘটবে কি না সন্দেহ!

[ষবনিকা-পতন]

(সমাপ্ত)

শ্রীচারুশীলা মিত্র।

জিজ্ঞাসা।

মানস-নন্দনজাত কল্প-লতিকার
একটি কুমুম যদি দিই উপহার
পদপ্রান্তে, মহারাজ! তুমি স্নেহ হাসি,
তুলে কি নেবে না তা'রে আদরে সস্তাষি?

হৃদয়-গহনপ্রান্তে ভাবের দেউলে,
সহসা কখনো যদি দীপখানি জ্বলে
ভকতি অমৃতদীপ্ত, আরতির তরে,
তোমায়ে কি পাইব না বিজন মন্দিরে!
শ্রীঅমিয়া গুপ্তা।

আতুরের ভিক্ষা।

আমি পাতকী বলিয়া করিও না হেলা,
রাখিও না দূরে ফেলিয়া হে,
আমার পাপের মাঝারে বসতি বলিয়া
ঘৃণায় যেও না চলিয়া হে!
আমার দিবস ঘামিনী বৃথা কাজে যায়,
তোমায়ে থাকি গো তুলিয়া হে,
এ জগতে হাস, বড় পাপী আমি,
রাখিও না পায়ে ঠেলিয়া হে!
মনে হয়, বুঝি, কেহ নাই মোর,
একাই চলেছি আধারে হে;

শুনেছি হে তুমি অগতির গতি,
তুমি কি ছাড়িবে আমারে হে?
স্বলহীন সহায়-বিহীন
মোর ভরসা তোমার চরণ হে,
তাই আর্ন্ত কাতরে ডাকে বারে বারে,
মাগে গো তোমার শরণ হে!
দীন হতে দীন, অতিদীন আমি,
মোরে হের প্রভু, আঁখি মেলিয়া হে,
অধম-তারণ পতিত-পাবন,
কোলে মোরে লহ তুলিয়া হে!
শ্রীপ্রভবদেব মুখোপাধ্যায়।

হিন্দু জ্যোতিষ।

(পূর্বপ্রকাশিতের পর)

সূর্যের পূর্বোক্ত ভ্রমণ-পথটী ক্রান্তি-বৃত্ত বা রাশিচক্র-নামে অভিহিত। অত্র গ্রহগণের পৃথকপৃথক ভ্রমণের পথ আছে; তাহাদিগকে সেই সেই গ্রহের বিমণ্ডল বলে। কিন্তু তাহাদেরও পরিমাণ গণনা-দ্বারা রাশিচক্রেই স্থিরীকৃত হয়। অশ্বিনী নক্ষত্র রাশিচক্রের আদি। ইহা হইতেই মেঘ বৃষাদি দ্বাদশ রাশি গণিত হয়। পূর্বে বলা হইয়াছে, রাশিচক্রে ৩৬০ অংশ, তাহাতে ১২ রাশি; সুতরাং প্রতি ৩০ অংশে এক একটা রাশি হইয়া থাকে।

রাশির নাম নিয়ে লিখিত হইতেছে।—

মেঘ, বৃষ, মিথুন, কর্কট, সিংহ, কন্ডা,
তুলা, বৃশ্চিক, ধনু, মকর, কুম্ভ মীন।

রাশিচক্রে ২৭টা নক্ষত্র কল্পিত হয়। এজন্ত ৩৬০ অংশকে সমান ২৭ ভাগ করিলে প্রতি ১৩ অংশ ২০ কলাতে (৬০ কলায় ১ অংশ) এক একটা নক্ষত্র হইয়া থাকে। নক্ষত্রগণের নাম—১। অশ্বিনী, ২। ভরণী, ৩। কৃত্তিকা, ৪। রোহিণী, ৫। মৃগশিরা, ৬। আর্দ্রা, ৭। পুনর্ভসু, ৮। পুষ্যা, ৯। অশ্লেষা, ১০। মঘা, ১১। পূর্বফল্গুনী, ১২। উত্তরফল্গুনী, ১৩। হস্তা, ১৪। চিত্রা, ১৫। স্বাতী, ১৬। বিশাখা, ১৭। অহুর্বাধা, ১৮। জ্যেষ্ঠা, ১৯। মূলা, ২০। পূর্বাষাঢ়া, ২১। উত্তরাষাঢ়া, ২২। শ্রবণা, ২৩। ধনিষ্ঠা, ২৪। শতভিষা, ২৫। পূর্বভাদ্রপদ, ২৬। উত্তরভাদ্রপদ, ২৭। রেবতী।

প্রত্যেক রাশি রাশিচক্রের ১২ ভাগের এক ভাগ। প্রত্যেক নক্ষত্র রাশিচক্রের ২৭

ভাগের এক ভাগ। এজন্ত ৩৬ বা ২৩ অর্থাৎ প্রত্যেক সওয়া দুই নক্ষত্রে এক একটা রাশি হইয়া থাকে।

অশ্বিনী, ভরণী, ও কৃত্তিকার প্রথম পাদ (চতুর্থাংশকে পাদ বলে) মেঘ-রাশি। এইরূপে কৃত্তিকার শেষ তিন পাদ, রোহিণী ও মৃগশিরার প্রথমার্দ্ধ বৃষরাশি। মৃগশিরার শেষার্দ্ধ, আর্দ্রা ও পুনর্ভসুর প্রথম তিন পাদ মিথুনরাশি। পুনর্ভসুর শেষ পাদ, পুষ্যা ও অশ্লেষা কর্কট-রাশি। মঘা, পূর্বফল্গুনী, উত্তরফল্গুনীর প্রথম পাদ সিংহরাশি। উত্তরফল্গুনীর শেষ তিন পাদ, হস্তা ও চিত্রার প্রথমার্দ্ধ কন্ডারাশি। চিত্রার শেষার্দ্ধ, স্বাতী ও বিশাখার প্রথম তিনপাদ তুলারাশি। বিশাখার শেষপাদ, অহুর্বাধা ও জ্যেষ্ঠা বৃশ্চিক-রাশি। মূলা, পূর্বাষাঢ়া ও উত্তরাষাঢ়ার প্রথম চরণ ধনুরাশি। উত্তরাষাঢ়ার শেষ তিন চরণ, শ্রবণা ও ধনিষ্ঠার প্রথম অর্ধেক মকররাশি। ধনিষ্ঠার শেষ ঈ, শতভিষা ও পূর্বভাদ্রপদের প্রথম তিন পাদ কুম্ভ। পূর্বভাদ্রপদের শেষ পাদ, উত্তরভাদ্রপদ ও রেবতী মীনরাশি নামে অভিহিত হয়।

সূর্য এক বৎসরে বা ১২ মাসে রাশিচক্র অর্থাৎ ১২ রাশি পরিভ্রমণ করেন; এজন্ত এক রাশি অতিক্রম করিতে সূর্যের যত সময় লাগে, তাহাই এক মাস। মেঘ-রাশিতে সূর্য অবস্থান করিলে বৈশাখ মাস, বৃষরাশিতে থাকিলে জ্যেষ্ঠ মাস ইত্যাদি পর্যায়ক্রমে তাহার ১২ মাসে ১২ রাশি-ভাগ পূর্ণ হয়।

ইহার কাল ৩৬৫ দিন ১৫ দণ্ড ৩২ পল (৬০ পলে ১ দণ্ড) অর্থাৎ ৩৬৫ দিন ৬ ঘণ্টা ১৩ মিনিট।

৩৬৫ দিন ১৫ দণ্ড ৩২ পলকে সমান ১২ ভাগ করিলে গড়ে ৩০ দিন ২৬ দণ্ড ১৮ পল, এক মাসের দিনসংখ্যা হয়। কিন্তু সূর্যের গতি প্রতিদিন সমান নহে। গতির হ্রাস হইলে অধিক সময়ে ও গতির বৃদ্ধিতে অল্পদিনে রাশি-ভাগ সমাপ্ত হইয়া থাকে।

সূর্যোদয়-সময়ে সূর্য যে রাশিতে অবস্থিত সম্পূর্ণ দিনটী রাশি-অনুসারে সেই মাসের তারিখরূপে ব্যবহৃত হয়। যথা সংক্রান্তি-দিবসে অহোরাত্রের ভিতরে যে কোন সময়ে সংক্রান্তি অর্থাৎ সূর্যের অত্র রাশিতে গমন হইলেও সূর্যোদয়-রাশি অনুসারে সম্পূর্ণ দিনটী পূর্বমাসের ভিতর থাকে। এইরূপে ২৯ দিন হইতে ৩২ দিন পর্যন্ত মাসের দিন সংখ্যা হইয়া থাকে।

আমাদের বঙ্গদেশে যেরূপ সূর্যের মেঘ-বৃষাদি-রাশিভাগ অনুসারে বৈশাখ, জ্যেষ্ঠ প্রভৃতি সৌর মাস ও তাহার দিনসংখ্যা-দ্বারা মাসের তারিখ গণিত হয়, আসাম, উড়িষ্যা এবং পঞ্জাবেও সেইরূপ সৌর মাস ব্যবহৃত হইয়া থাকে। কিন্তু ভারতবর্ষের অত্র সকল প্রদেশে চান্দ্র মাস অনুসারে মাস-ব্যবহার-প্রথা প্রচলিত।

চান্দ্র মাসে দুইটা পক্ষ। যে পক্ষে চন্দ্র ক্রমশঃ ক্ষীণ হইতে থাকে, তাহার নাম কৃষ্ণপক্ষ এবং যে পক্ষে চন্দ্র ক্রমশঃ বৃদ্ধি পাইতে থাকে, তাহার নাম শুক্লপক্ষ। কৃষ্ণপক্ষের প্রতিপদ হইতে পূর্ণিমা পর্যন্ত ৩০ তিথিতে একটা গৌণ চান্দ্র মাস হয়। এই গৌণ চান্দ্রের তিথি তাহার তারিখের গ্রায় ব্যবহার করিয়া থাকেন। শুক্লপক্ষের প্রতিপদ

হইতে অমাবস্যা পর্যন্ত ৩০ তিথিকে মুখ্য চান্দ্র মাস বলে। ইহার তিথি তারিখের গ্রায় ব্যবহৃত হয় না; কেবল কোন কোন ধর্মকার্যে ইহার ব্যবহার হইয়া থাকে। ১২টা মুখ্য চান্দ্র মাসে এক চান্দ্র বৎসর হয়। যে-বৎসরে মলমাস হয় অর্থাৎ যে-বৎসরে কোন সৌরমাসে দুইটা শুক্ল প্রতিপদ আরম্ভ হয়, সেই বৎসরে একটা চান্দ্র মাস অধিক হয়। এই অধিক চান্দ্র মাসটীকে মলমাস বলে। এ-নিমিত্ত সেই বৎসরে ১৩টা চান্দ্র মাসে এক চান্দ্র বৎসর হইয়া থাকে। চৈত্র-মাসের শুক্লপক্ষের প্রতিপদ হইতে চান্দ্র বৎসরের আরম্ভ হয়। শকব্দ ও বঙ্গদেশের সন, উড়িষ্যার বিলায়তী প্রভৃতি বৎসর সৌরমাস হিসাবে এবং সংবৎ, হিজরী প্রভৃতি চান্দ্রমাস-হিসাবে গণিত হয়।

তিথি-অনুসারে তারিখের ব্যবহার অত্যন্ত অসুবিধাজনক। কারণ, কখন কখন একদিনে দুইটা তিথি শেষ হয়, কখনও বা দুই দিনেও এক তিথি থাকে। এই অসুবিধার জন্য আজ-কাল ঐ সকল প্রদেশে ইংরাজী-মাসের তারিখই সমাদরে গৃহীত হইতেছে। আমার মনে হয়, জাতীয় জীবন গঠন করিতে হইলে ঐ সকল স্থলেও বিদেশীয় তারিখ ব্যবহার না করিয়া, ভারতেরই কোন প্রদেশের তারিখ ভারতের সকল প্রদেশের তারিখ-রূপে ব্যবহার করা সর্বতোভাবে বাঞ্ছনীয়। এজন্ত পশ্চিম-ভারতের ঐ সকল প্রদেশে এ বিষয়ে বহু আন্দোলনও চলিতেছে। বঙ্গদেশের তারিখে এরূপ কোন অসুবিধা নাই; মাস শেষ না হওয়া পর্যন্ত প্রত্যহ এক এক তারিখ বাড়িতে থাকে। এইজন্ত সমগ্র ভারতে বঙ্গদেশের গ্রায় তারিখ-ব্যবহারের আবশ্যিকতা

দেখাইয়া এলাহাবাদ হইতে প্রকাশিত সম্মেলন-নামক মাসিকপত্রিকায় আমিও কয়েক-বার প্রবন্ধ লিখিয়াছি।

বঙ্গদেশেও অল্পদিন হইল, যুক্তি-ও জ্যোতিষ-শাস্ত্র-বিরুদ্ধ একটা কুপ্রথা তারিখ-ব্যবহারে প্রচলিত হইতেছে। ইহাতে কখন কখন মাসের তারিখ পরিবর্তিত হয়। এজগৎ হিন্দু-স্থানীয়দিগের প্রকাশিত পঞ্জিকার বাংলা তারিখের সহিত বাঙ্গলার পঞ্জিকার তারিখের অনৈক্য ঘটিয়া থাকে।

কুপ্রথাটা এই :- যদি রাত্রি দুই প্রহরের পর সূর্যের সংক্রমণ হয়, তবে সংক্রমণের পরের দিনটাও পূর্ব মাসের মধ্যেই ধরা হইয়া থাকে।

যেমন, ১৩২৫ সালের ৩১শে শ্রাবণ

শুক্রবার রাত্রি ১১:১০ মিনিটের সময়ে সূর্য কর্কট রাশিতে গমন করায় তাদ্রমাস ঐ সময়ে আরম্ভ হইয়াছে, পঞ্জিকাতেও যথাবিধি তাদ্র প্রদং ৪৮।৪৭ রাত্রি ১১:১০ লেখা হইয়াছে, কিন্তু পরদিন শনিবার '১লা তাদ্র' না লিখিয়া পঞ্জিকায় ৩২ শ্রাবণ লেখা হইয়াছে। হিন্দুস্থানীয় পঞ্জিকায় কিন্তু '১লা তাদ্রই' লেখা হইয়াছে। এইরূপ মাস-ব্যবহারের বিরুদ্ধে বহু বিদ্বদ্ভক্তি লেখনী-পরিচালনা করিয়াছেন, কিন্তু কোনও ফললাভ হয় নাই। সুপ্রথাই হউক বা কুপ্রথাই হউক, বঙ্গবাসীর উর্ধ্ব মস্তিষ্কে যাহা একবার নিহিত হইবে, তাহা কিছুতেই অপসারিত হইবার নহে।

(ক্রমশঃ)

শ্রীরাধাবল্লভ স্মৃতি-জ্যোতিষীর্ষ।

“বন্ধু মোরে বলেছিল ১”

বন্ধু মোরে বলেছিল
আকাশ-পানে চাইতে,
মীল সাগরে দৃষ্টি-তরী
বাইলু আমি তাইতে।
ওই সূর্যের অসীমতা,
শ্রান্তবিহীন উদারতা,
প্রাণের আমার সকল ব্যথা
শিথিয়ে দিল সইতে।

বন্ধু মোরে বলেছিল
চাইতে আকাশ পানে,
চন্দ্র যেথায় তারার দলে
মগ্ন মহাধ্যানে!

উজল মধুর স্তব্ধ সাঁঝে
এই যে বিরাট শান্তি রাজে,
অশান্ত মোর পরাণ মাঝে
পুরায় শান্তি গানে!

বন্ধু মোরে আকাশ পানে
চাইতে বলেছিল;
অনন্ত ওই নীলের মাঝে
যেথা খেলছে ছায়া আলো,
ওই যে আমার প্রাণের সখা
নীলের আভা অঙ্গে মাখা,
সূর্য চন্দ্র ভালে আঁকা,
প্রাণের মাঝে এলো।

শ্রীপ্রভবদেব মুখোপাধ্যায়।

স্বপ্নাহত।

হে প্রিয়, ফিরিয়া নাহি যাব রাজপুরে।
স্বপনে হেরিলু যারে, কোথা গেলে পাব তারে,
কোন দূর সমুদ্রের কোন নদী-তীরে?
দূরে যাক ধনুর্কাণ, র'ল অসি ধরশান,
তুণীর পড়িয়া থাক স্তব্ধ বটমূলে!
মিছে সখা, রাজবেশ, ভ্রমর-নিন্দিত কেশ;
দহিছে হৃদয় মম বিরহ-অনলে।
কোথা সমুদ্রের মাঝে, সেই স্বর্ণপুরী রাজে,
সোনার পালকে কোথা হৃদয়-রতন?
ছড়াইয়া এলোচুল, দলিয়া বকুল ফুল,
কোথা মহীয়সী বালা যুমে অচেতন?
জিনিয়া ভাস্কর-ভাতি, কোথা সে তনুর ত্যাতি,
কই সে অধর-প্রান্তে অমলিন হাসি?
ভুবন ভ্রমিয়া সখা, কোথা তা'র পাব দেখা,
কোন পাতালেতে কোন ত্রিদিবেতে প'শি?
হের প্রিয়, নদী-নীরে, রবিকর মুচ্ছি পড়ে,
শরৎ-প্রভাত কাঁদে কাহারে স্মরিয়া!

পুষ্পগন্ধ বহি' ধীরে, সমীর কাঁদিয়া ফিরে;—
তাহারো কি প্রিয়তমা গিয়াছে ছাড়িয়া!
তা'রো কি জাগিছে মনে স্নানিবিড় আলিঙ্গনে,
একটি নিশার সেই বাসর-বাণন?
সেও কি আমারি মত, নিশা-শেষে স্বপ্নাহত,
আকাশে বাতাসে হেরে প্রিয়ার আনন?
শরতের দিবাশেষে চন্দ্রমা উদিবে হেসে,
জোছনায় পুলকিয়া বিশ্বচরাচর,
আমার হৃদয়-নভে শুধু কি জাগিয়া রবে
চির-মৌন অন্ধকার অসীম দৃশুর!
যাও বন্ধু, যাও ফিরে, আবার উজানীপুরে,
মদন রহিল হেথা, চাহিও না ফিরি।
নাহি চাহি রাজ্য-ধন, মণিময় সিংহাসন;
কোথা মধুমালা কোথা হৃদয় ঈশ্বরী!
শ্রীচারণতা গুপ্তা।

বাইগ্রস্ত ননীবালা।

প্রথম পরিচ্ছেদ।—উপবাস।

“কৈ গো, কোথায় গো?”

কাহারও সাড়া-শব্দ না পাইয়া, পশুপতি-
বাবু উঠানে পাইচারি করিতে করিতে
আবার ডাকিলেন, “কৈ গো, কোথায় গেলে?
একবার এ দিকে এস না?”

ঝি, নিরুর মা রান্নাঘর ধুইতেছিল; সে
বলিল, “মা, নীচের ঘরে গন্ধাজল ছড়াচ্ছেন।”
পশুপতিবাবু একটু সরিয়া আসিয়া দেখিলেন,
তখনও রান্নাঘরের উনানে আগুন পড়ে নাই।

তিনি আশ্চর্যান্বিত হইয়া বলিলেন, “কৈ!
এখনও রান্নাঘরে আগুন পড়ে নি! আমি
কাল দশবার বলেছি, আমাকে আজ সকাল
সকাল বেরুতে হবে।”

ঝি চুপ করিয়া রহিল। বাবু এ-দিক্
ও দিক্ চারিদিক্ চাহিয়া পত্নীর উদ্দেশে
গমন করিলেন। ননীবালা তখন ছেলেদের
বিছানা গুটাইয়া তাহাতে গন্ধাজলের ছিটা
দিতেছেন। পশুপতিবাবু বলিলেন, “এ কি!
আমি না তোমাকে কাল বলে রেখেছিলাম

যে, আমাকে আজ সকাল সকাল বেরুতে হবে? আমার আপিসে ইন্স্পেক্টর হব; কমিশনার সাহেব আসবে!”

ননীবালা চূপ করিয়া রহিলেন, কোন উত্তরই দিলেন না। তিনি আপনার মনে ছেলেদের বিহানায় গঙ্গাজলের ছিটা, ঘরের মেজেতে গঙ্গাজলের ছিটা, ছেলেদের কাপড়-চোপড়ে গঙ্গাজলের ছিটা; প্যাটার বাবু, সিদ্দুকে গঙ্গাজল লেপন-কার্যে বিব্রত। পশুপতিবাবু বিরক্ত হইয়া বলিলেন, “তুমি পাগল না কি? কি ক’বুচো? দেখুচো না—হু হু করে বেলা হয়ে গেল! এখনও রান্না-ঘরে আগুন প’ড়লো না?”

ননীবালা তখন বলিলেন, “এই যাচ্ছি, তুমি চল, তুমি চল।” পশুপতিবাবু বলিলেন, “তুমি এখানে জল ছড়াছো, আর আমার সেখানে মধু ছড়াবে!”

ননীবালা একটু হাসিতে হাসিতে বলিল, “কেন, কেন? এই চল না, যাচ্ছি।” পশুপতিবাবু তাহার বিলম্ব দেখিয়া আবার বলিলেন, “তুমি এখানে গঙ্গাজল দিতেছ, আপিসে আমাকে মিছরির জল দেবে!” ননীবালা তখন বলিলেন, “অমন আপিসে চাকরি কর কেন? একদিন সুখ অসুখ নেই, একদিন সুবিধা অসুবিধা নেই! রোজ এক সমান ভাবে কি পেরে ওটা যায়!” পশুপতিবাবু তখন বলিলেন, “তুমি ত প্রায় রোজই এই রকম বেলা ক’রে থাক। শুধু ত আজ বলে নয়! তুমি জান, আমাদের কেরানীগিরি কাজ, আমরা ক্রীতদাসেরও হীন! লোকে খুন ক’রেও অব্যাহতি পেতে পারে, কিন্তু আমাদের নিষ্কৃতি নাই;—আমাদের পাণে

থেকে চূণ খসলেই বড় বিপদ! বড় সাবধান হয়ে কাজ ক’বুতে হয়, জান? আমাদের প্রত্যহ সাপের সঙ্গে খেলা। কখন ছোবল মাঝবে, তা’র ঠিক নেই!

ননীবালা তখন বাহিরে আসিয়া বলিলেন, “ও—ও-ঝি—ই-ই; ও-ঝি-ই।” বি উত্তর দিল ক্যানো-ও-ও?”

ননী। তুই শীগগির উতুনে আগুন দে। বাবু সকাল সকাল বেরুবে।

ঝি। আমি অনেকক্ষণ আগুন দিয়েছি। উতুন্ পুড়ে। আপনি এলে হয়!”

ননীবালা ঘর হইতে বাহির হইয়া, একটু তৈল গায়ে-মাথায় দিয়া তাড়াতাড়ি কলে গেলেন। কলে যত জল মাখেন, কিছুতেই তাহার তৃপ্তি হয় না! একবার, দুইবার, দশবার গায়ে মাথায় জল ঢালিলেন, তবুও তাহার স্নান-কার্য সম্পূর্ণ হইল না। এদিকে ছেলেরা স্কুলের ভাতের জন্ত তাড়া লাগাইল।

যদি ত আর কাহারও হাত ধরা নয়। সে আপনার মনে টিক টিক করিয়া চলিয়াছে। সূর্য্যদেবও আকাশে উঠিয়া যেন আলস্ত-পরতন্ত্র ও দীর্ঘসূত্রী গৃহিণীগণকে চোখ রাঙাইতেছেন। দেখিতে দেখিতে ঘড়িতে সাড়ে নয়টা বাজিল। তখন ননীবালা আসিয়া গৃহদেবতা নারায়ণকে প্রণাম করিতে লাগিলেন। তিনি একবার গড় করেন, দুইবার গড় করেন, দশবার গড় করেন তবুও তাহার মনের শান্তি হয় না।

পশুপতিবাবু আবার আসিয়া বলিলেন, “কি গো, ভাত হ’ল?” তখন ননীবালা তাড়াতাড়ি আসিয়া ভাত চড়াইয়া দিলেন। পশুপতিবাবু দেখিয়া অবাক! তিনি কিয়ৎক্ষণ

ননীবালার দিকে তাকাইয়া বলিলেন, “দেখি, অতিসুন্দর! এরকম হ’লে আর চাকরী থাকবে না! আমাদের অশেষ দুর্গতি হবে!”

এই বলিয়া তিনি আপিসে চলিয়া গেলেন। ছেলেরা ২৪ গ্রাস অর্ধসিক্ত ভাত খাইয়া এগারটার সময়ে স্কুলে গেল। কর্তা-গৃহিণীর অন-ব্যঞ্জন চাপা রহিল। নিরুন্ন মা রান্নাবর ধুইয়া ভাত লইয়া চলিয়া গেল। বেলা একটা বাজিল।

পাড়ার ভূতোর মা তাম্বুল চর্কণ করিতে করিতে বেড়াইতে আসিয়া বলিল, “কেন্নে ঝি, তুই এখনও বাড়ী যাস নে?” দে বলিল, “কি করে যাব মা?”

ভূতর মা।—কেন?

ঝি। এখনও সকলের খাওয়া দাওয়া হয় নি। বাবু না খেয়ে অমনি চলে গেছেন।

ভূ, মা।—তো’র মা’র খাওয়া হয়েছে?

ঝি।—না—আ,—তাঁর আর বাবুর ওই ভাত বাড়া রয়েছে।

ভূ, মা।—বাবুর খাওয়া কেন হ’ল না?

ঝি (হাত নাড়িয়া)—বেলা—বেলা গো! বাবুর আপিসে কি কায ছেল, বেলা হ’লো, চলে গেলেন।

ভূতর মা নাক-মুখ নাড়িয়া বলিল, “নে বাপু, তুই নে, তো’র মায়ে’র গুণ জানা আছে। তো’র আর চাকতে হবে না। কোন দিন তো’র বাবু সকাল সকাল আপিসে যায়?” ঝি চূপ করিয়া রহিল। ভূতর মা বলিল, “ঐ রকম কল্পেই তো’র বাবুর চাকরিটা যাবে, আর তো’রা ঘরে ব’সে বসে খাবি আর কি!” এই বলিয়া ভূতর মা চলিয়া গেল।

দ্বিতীয় পরিচ্ছেদ।

আপিস।

বরাহনগরের কুটীঘাটার রাস্তায় একজন পথিক সর্বাঙ্গে ক্র ৩পদে চলিয়াছেন। ষ্টীমারের ভোঁ শুনিয়া তিনিও ভোঁ দৌড় দিলেন। ষ্টীমার যত ভঁন্ ভঁন্ করিয়া ধুমোংগিরণ করিতে লাগিল, কুটিওয়াল বাবুরা তত উর্দ্ধ্বাসে গঙ্গাতিমুখে দৌড়াইতে লাগিলেন। তাঁহাদের পেটের ভাত আর জল ঢকাস ঢকাস করিয়া নড়িতে লাগিল! আমাদিগের পশুপতিবাবু ঐ অগ্রগামী ব্যক্তি। তিনি হাঁপাইতে হাঁপাইতে ষ্টীমারে আদিয়া উঠিলেন।

ষ্টীমার যথাসময়ে ছাড়িয়া দিল। গস্ গস্ শব্দে গঙ্গাবক্ষের বীচিমালা ভেদ করিয়া ষ্টীমার আসিয়া হাবড়া-পুলের ঘাটে ধরিল। আরোহি-গণ তাড়াতাড়ি নামিয়া আপিস-পানে ছুটিলেন। আমাদিগের পশুপতিবাবুও তাড়া-তাড়ি আসিয়া ট্রামে উঠিলেন।

তিনি যখন আলিপুরে আসিয়া উপস্থিত হইলেন, তখন বেলা প্রায় ১১টা, সাড়ে এগারটা। তিনি উর্দ্ধ্বাসে দৌড়িয়া অষ্টমীর ছাগপত্তর শ্রায় কাঁপিতে কাঁপিতে আপিসে আসিয়া উপস্থিত হইলেন। এখন কেবল মধুসূদনের নাম তাহার জপমালা। ভিতরে প্রবেশ করিয়া দেখেন, কমিশনার সাহেব, ম্যাজিষ্ট্রেট সাহেব, সুপারিন্টেন্ডেন্ট-বাবু প্রভৃতি তাহার টেবিলের কাছে দাঁড়াইয়া! তিনি সাহসে ভর করিয়া কর্তাদিগকে এক লম্বা সেলাম হুকিয়া দাঁড়াইয়া রহিলেন।

কমিশনার—Who is this man?

(এ ব্যক্তি কে?)

সুপারিন্টেন্ডেন্ট—Headclerk of this

department (এই বিভাগের প্রধান
কেরাণী)

কমি—Why is he so late? (উহার
এত দেরী কেন?)

সুপ—তোমার এত দেরী হ'ল কেন?

Headclerk—আমার কাল হইতে জ্বর
হইয়াছে।

কমি—What? (কি?)

সুপ—He has been attacked by
fever since yesterday. (কাল হইতে
ইহার জ্বর হইয়াছে।)

কমি—What! Fever! Damn!
Nonsense! Where is his medical
Certificate? (কি? জ্বর! ছিঃ! পাগুলাগি!
চিকিৎসকের নিদর্শনপত্র কোথায়?)

সুপ—তোমার ডাক্তারের সার্টিফিকেট
এনেছ?

পশুপতিবাবু—কাল জ্বর হয়েছে,—
সার্টিফিকেট আনতে পারি নাই।

কমি—What? (কি?)

সুপ—He got fever yesterday
only; could not get time to bring
his certificate. (কালমাত্র জ্বর
হইয়াছে। সার্টিফিকেট আনিতে সময় পায়
নাই।)

কমি—Nonsense! False Excuse!
I dn't hear. Where is his Service
Book? (বাজে ওজর! আমি শুনব না।
উহার কর্মপুস্তক কোথায়?)

সুপারিন্টেণ্ডেণ্ট দৌড়িয়া গিয়া Service
Book আনিয়া সাহেবের সম্মুখে ধরিলেন।
সাহেব জিজ্ঞাসা করিলেন, What is his
pay? (উহার বেতন কত?)

সুপা—Hundred rupees (এক শত
টাকা।)

কমি—Very well. I fine him ten
rupees for his so late attendance.
(ভাল, উহার এত বিলম্বে উপস্থিতির জন্ত
আমি উহাকে ১০ জরিমানা করিলাম।)

এই বলিয়া সাহেবপুস্তক আপনার অকাটা
হুকুম জাহির করিয়া সাবিস বুক (Service
Book) কলম ডালিলেন। হেড কেরাণী
পশুপতিবাবুর মাথা খাইলেন।

অতঃপর আগন্তুক সাহেবদল এদিক
ও-দিক ঘুরিয়া সে কক্ষ হইতে বাহির হইয়া
আসিলেন। বনমধ্যে ভয়াবহ পক্ষি-শাবক বা
হরিণশিশু ব্যাধি বিষা ব্যাঘ্রকে বেরূপ দেখে,
কেরাণীদল তদ্রূপ আলমায়ার অস্তরাল
হইতে, কেহ টেবিলের পার্শ্ব হইতে, কেহ
দরজার ফাঁক হইতে চকিত দৃষ্টিতে উকি
মারিতে লাগিল,—কতক্ষণে সাহেবেরা বাহির
হইয়া যায়! সকলেই প্রাণপণে দুর্গা-নাম
জপ করিতেছে। পরিষ্ক-দল বাহির হইয়া
আসিতে না আসিতে লোষ্ট্র-ক্ষিপ্ত পানা-
পুকুরের পানার ঝায়া কেরাণীদল এক এক
জায়গায় আসিয়া জুটিল। আপিসে একটা
হুলস্থল পড়িয়া গেল! কেহ বলিল, “বাবা!
সাহেব ত ভয়ানক কড়া! একেবারে দশ
টাকা ফাইন! লঘু পাপে গুরু দণ্ড! একটু
দেরীর জন্ত এত শাস্তি!” কেহ বলিল,
“সাহেবের অপরাধ কি? সুপারিন্টেণ্ডেণ্ট-
বাবুর বুঝিয়ে দেওয়া উচিত ছিল!” কেহ
বলিল, “সুপারিন্টেণ্ডেণ্টের দোষ নয়, হেড
ক্লাকবাবুরও দোষ নয়! ও-সব বরাতের
দোষ হে, বরাতের দোষ! তা না হলে

আজ হেডক্লাক-বাবুর অত বেলাই বা হবে
কেন?” এইরূপে বেচারী কেরাণীগণ
কেরাণীখানায় বসিয়া পরীক্ষকদিগের দেব-
চরিত্র আলোচনা করিতে করিতে দিবস শেষ
করিয়া, যে যাহার পাতাডি গুটাইয়া ভাল
ছেলের মত গৃহে প্রত্যাগমন করিল।

তৃতীয় পরিচ্ছেদ।

পশুপতিবাবুর গৃহ।

পশুপতিবাবু আপিস হইতে বাটীতে
আসিয়া পরিশ্রান্ত, ক্লান্ত, শান্ত ও বিমর্ষভাবে
আপনার শয়ন-কক্ষে শয্যার উপরে অঙ্গ-শরনে
কি ভাবিতেছেন, এমন সময়ে ননীবালা
আসিয়া বলিল, “বেশ, তুমি কখন এসেচো,
আমাকে বল নি? ভাত বেগুন এনে দিই,
খাও? মুখ হাত ধোও! সকালে না খেয়ে
চলে গেলে কেন?” পশুপতিবাবু না রান
না গঙ্গা। তিনি চুপ করিয়া কেবল কি ভাবিতে
লাগিলেন; আর এক এক বার স্ত্রীর প্রতি
চাহিয়া দীর্ঘ-শ্বাস ত্যাগ করিতে লাগিলেন।
ননীবালা জিজ্ঞাসা করিলেন, “কি হয়েছে
তোমার? অস্থখ করেছে? অমন কচ্চো
কেন? ভাত খাবে না? ভাত আনবো?”
পশুপতিবাবু হৃদয়ের অন্তস্তল হইতে একটা
বেদনা-সূচক দীর্ঘশ্বাস ত্যাগ করিয়া বলিলেন,
—“হবে আর কি? আমার মাথা আর মুণ্ড!”
ননী বলিল, “কেন, কেন, কি হয়েছে?”
পশুপতি বলিলেন, “আমার দশ টাকা
জরিমানা হয়েছে, আর শুধু তাই নয়; সাবিস-
বুক (Service Book) সাহেব তাই লিখে
দিয়েছে! আমার ভবিষ্যৎ উন্নতির দফা
খেঁচে দিয়েছে!”

ননী অপ্রস্তুত হইয়া বলিলেন, “আমার
পোড়া কপাল আর কি! আমি পোড়ারমুখী
মবুতে গিয়ে কেন দেরী করলাম—আমি
সকাল সকাল ভাত দিলে ত আর এমব কিছু
ঘটত না! আমার মরণ আর কি!”

পশুপতিবাবু বলিলেন, “দেখ ননী,
তোমার যা হয়েছে, আমি দেখতে পাচ্ছি;
এখন শেষ রক্ষা কি রকমে হবে, আমি আর
ভেবে কুল-কিনারা পাই না!”

ননী বলিলেন, “যা হবার তা হবে, এখন
খাও তো?” তিনি তাড়াতাড়ি রান্নাঘর
হইতে ভাত আনিয়া দিলেন। পশুপতি
ছই এক মুঠা যা তা করিয়া খাইয়া উঠিলেন।
ননী ধরিলেন, “ভাল করে খেলে না কেন?
ভাত বুঝি কড়কড় হয়ে গেছে? ব্যামুন
এড়াইয়া গিয়াছে!”

পশুপতি বলিলেন, “আমি আর খাব কি!
আমার পেটের ভাত চাল হয়ে যাচ্ছে!”

ননীবালা রান্নাঘরে গিয়া আপনি খাইয়া
আসিলেন। সে দিন রাত্রে আর রাঁধিলেন
না। বি-চাকরের পয়সা দিলেন, তাহার
জলপান কিনিয়া খাইল। ছেলেরা ফলায়
করিল।

ননী ঘর-ছয়ার সারিয়া উপরে আসিল।
নীচের, উপরের ঘরে গঙ্গাজল ছড়াইল; কাপড়
ছাড়িল; শয়ন-ঘরে প্রবেশ করিল। পশুপতি
জিজ্ঞাসা করিলেন, “তোমার এত দেরী হ'ল
কেন?”

ননী বলিল, “বিলম্ব আর কি, এই সব
সেরে আস্চি।”

পশুপতি বলিলেন, “ঐ সারুতে সারুতেই
শেষে আমাকেও সেরে ফেলে দেবে আর
কি!”

ননীবালা বলিলেন, “কি রকম?”

পশু। এই আমার চাকরিটা যাবে, আর কি! শেষে শুকিয়ে ম'রবো! আর কি!”

ননী একটু অপ্রস্তুত হইয়া বলিল, “তা আমি আর কি করবো বল! আমার ত কোন দোষ নাই। আমার একলাকে ঘরের উনুকুটি চৌষটি সব দেখতে হয়।”

পশুপতি।—তোমার দোষ নাই? খুব দোষ আছে।

ননী—কেন?

পশুপতি—যে কাজ একবার ক'রলে হয়, তুমি তাই দশবার ক'রবে! তাতে সময় যায়, শরীর নষ্ট হয়! বাসন একবার মাজলে পরিষ্কার হয়, তুমি তাই ছ'তিনবার মাজাবে, তাতে বৃথা সময় যায়। বি চাকরেরাও অসন্তুষ্ট হয়। কখন কখন আবার তাদের মাজা মনঃপূত না হলে, তুমি নিজে মাজো। বাজারে জিনিষ কিনতে দিলে, বি চাকর জিনিষ আনলে, তুমি তাতে পাঁচ সাতবার গঙ্গাজল ছিটাবে! তুমি ভাত রাঁধতে বাচ্ছো, এমন সময় কেউ হাঁচলে, তুমি থোম্কে দাঁড়াবে; টিক্‌টিকি প'ড়লে বসে থাকবে, ভাত চড়াবে না। তোমার এত কুসংস্কার যে, আপিস-স্কুলের বেলা হলেও তোমার তাতে ভয় নাই; চৈতন্য নাই! তুমি যেন কেমন একটা আমার জড় জিনিসের মত! তোমার দেখতে পাই, কেবল গা ধোবার সময়, গুরু অশুদ্ধ বিচার করবার সময়, চৈতন্যের উদয় হয়! জ্ঞানের চয়ার খুলে যায়! তুমি তখন একজন লোক দশজন হও! তোমার উৎসাহ দেখে কে! তুমি তখন অসাড়, বিশেষ্ট থাক না। তোমার গারে

তখন দ্বিগুণ বলের সঞ্চায় হয়। এক বাল্‌তির জায়গায় দশ বাল্‌তি জল ঢাল; ছি! ছি!

ননী—বাজারের জিনিষগুলো অমনি তুলে নেবো? তাতে গঙ্গাজল দেবো না?

পশুপতি।—যদি তাই দিতে হয়, একবার দিলেই ত হয়? দশবার দিবার দরকার কি? একবার ভাল করে ধুয়ে নিলেই ত হয়।

ননী।—বাজারে কত ছত্রিশ জাত আসে। কাওরা, বাগ্‌দী, হাড়ি, ডোম, মেথর, মুদ্‌ফরাস! সকলের ছোঁয়া জিনিস নেবো?

পশুপতি।—তোমার জন্ম কি বাজারে কেবল বাচা বাচা নবদ্বীপের আর ভাটপাড়ার শাল্লজ্ঞ বামুন আসবে? আর কেউ আসবে না? তোমার যে সৃষ্টি ছাড়া কথা।

ননী।—জল না ঢাললে গায়ের ময়লা যাবে কি করে?

পশুপতি। গায়ের ময়লা নয়, মনের ময়লা! এ বাল্‌তি বাল্‌তি জলে আর কিছু না হ'ক, তুমি ব্যায়রামকে সাদরে ডেকে আন। তুমি কতবার ভুগেছ, মনে আছে? তোমার গুরু অশুদ্ধ ব্যায়রাম। কি শীত, কি গ্রীষ্ম, কি রাত, কি দিন, সকল সময়ে তোমার মনে খেয়াল হলেই, তুমি ছেলেগুলোর গায়ে হুড় হুড় করে জল ঢালবে! তোমার এক বাল্‌তি ছ বাল্‌তি জলে কুলায় না। তুমি বিশ পঁচিশ বাল্‌তি জল গায়ে ঢালবে! তুমি সব সময়েই গা সঙ্কুচিত করে ক্ষেপে ক্ষেপে পা ফেলেছ; হ্যাঁক থু ক'রছ! নাকে কাপড় দিয়েই আছ! তোমার যেন একটা কি জানি, কি বিটকেল ব্যায়রাম লেগেই আছে! কিছুতেই তোমার মনের শাস্তি

নেই। একি! তোমার মনে পড়ে, তুমি কতদিন শীতকালে আমার গায়ে গুরু হুড় হুড় করে জল ঢেলে দিয়েছ? আমার কাপড় চোপড় সব ভিজিয়ে দিয়েছ! কষ্টের অবধি থাকিত না! তুমি বতফণ না স্বহস্তে আমাকে ধুইয়ে অনুমতি দিতে, আমি ব'হিয়ে দাঁড়িয়ে থাকতাম, ঘরের মধ্যে প্রবেশ করতে পারতাম না। আমার বোধ হয়, তুমি যদি পারতে তা হ'লে আমাকে ধোবার পাটে আছড়াতেও ছাড়তে না। পুকুরে দশবার ঘাড় ধরিয়ে চোপাতে ছাড়তে না! ছি ছি! মনে পড়ে কি, বিড়ালে ছুধে মুখ দিয়াছে, এই সন্দেহ করে, তুমি কতদিন বাটা বাটা ছুধ ফেলে দিয়েছ? এ-সব কি গৃহস্থের সংসার! তুমি কতদিন কত জিনিষ ভুল বুঝে আঁস্তাকুড়ে ফেলে দাও! সে-সব কি ভাল? তুমি কতদিন ছেলেরা ভাত ছুঁয়েছে বলে ভাত ফেলে দিয়েছ, খাও নি, উপোস দিয়েছ! সে কি গৃহস্থের মঙ্গল, না তোমার শরীরের পক্ষে ভাল?

ননী—তুমি কি বল, আমি তোমাদের মত নাস্তিক হব? আমরা হিঁহর মেয়ে; ছেলে পিলে নিয়ে ঘরকন্না করি, তোমাদের মত সাহেব হ'লে চলবে কেন? বাচ্ছা-কাচ্চার ত মঙ্গল দেখতে হবে?

পশুপতি।—ঐ রকম করে জল ঢাললেই কি ছেলেদের মঙ্গল হয়?

ননী। আমি অনাচার দেখতে পারি না!

পশুপতি। তুমি বুঝতে পার না, যাকে তুমি আচার মনে কর, সেই অনাচার; আর যাকে তুমি অনাচার মনে কর, সেই আচার? ননী। কেন?

পশুপতি। তুমি যে-গুলিতে শরীরের পীড়া হয়, যাতে সংসারের কতকগুলো ব্যয় হয়, দেনাপতর হয়, তাই কর। সে কি রকম আচার? সে যে আমাদের উৎসানে দেবার আচার!

ননী। তুমি নাস্তিক।

পশু। আমি নাস্তিক তুমি জানলে কেমন করে?

ননী। তুমি খৃষ্টান।

পশু। কেন?

ননী। তোমার খাবার বিচার নাই। যা পাও তাই খাও। দেবতা-ব্রাহ্মণে ভক্তি নাই! তুমি কখনই হিন্দু নও।

পশুপতি। কৈ, কোন্ দিন বা তা খেতে দেখেচ? দেবতা-ব্রাহ্মণে ভক্তি? তোমাদের মত যেখানে সেখানে, যা'র তা'র পায়ে গড়াগড়ি দেব? একজনের গলার এক ফের স্তুতো দেখলেই তাহার পায়ে লুটোলুটি হব?

ননী। খেতে না দেখি, আমরা সব বুঝি গো, বুঝি। কেন গড় ক'রবে না? বামুন হ'লেই নিশ্চয়ই গড় ক'রবে।

পশুপতি। সে যদি চোর হয়, ডাকাতি হয়, খুনে হয়, তবুও গড় ক'রবো?

ননী—নিশ্চয়ই। বামুন হলেই গড় ক'রবে। গলার যজ্ঞোপবীত থাকলেই তাঁকে প্রণাম করবে, তাঁর পায়ের ধুলো নেবে।

পশু। ব্রাহ্মণের গুণ না থাকলে, তবুও পায়ে পড়বো!

ননী। প'ড়বে না ত কি? তাঁর যে পৈতা আছে।

পশু। আজ কাল ত অনেক বুগীতেও পৈতে নিচ্ছে, তবে তাদের পায়েতে মাথা ঠুকবো?

ননী। তা কেন? তারা যে ছোট জাত!
পশু—যাও যাও, তোমার বুদ্ধির দৌড়টা
বুঝা গেছে! তুমি ব্রাহ্মণের লক্ষণ কি জান?

ননী—কি লক্ষণ?

পশু।—‘ব্রহ্ম জানাতি ব্রাহ্মণঃ’। ব্রহ্মকে
যে জানে সেই ব্রাহ্মণ। কয়জন ব্রাহ্মণ তা
জানে? তুমি জান?—‘মুচি হয়ে গুচি হয়,
যদি কৃষ্ণ ভজে। আর গুচি হয়ে মুচি হয় যদি
কৃষ্ণ ত্যজে।’ ‘চণ্ডালোপি দ্বিজশ্রেষ্ঠো হরি-
ভক্তিপরায়ণঃ।’ যে ব্রহ্মের পথে অগ্রসর
হ’তে পারে, তাঁকে উপলব্ধি করে, সেই
ব্রাহ্মণ। তার জাতও নাই, জন্মও নাই।
সেই বিকারশূন্য ব্রাহ্মণ। শাস্ত্রে আছে—
‘জন্মনা জায়তে শূদ্রঃ নংসারাহচ্যতে দ্বিজঃ।
বেদান্ত্যাসান্তবেদিত্রো ব্রহ্ম জানাতি ব্রাহ্মণঃ।’
কেবল ‘ব্রাহ্মণ, ব্রাহ্মণ’ বলে পাগল হলে কি
হবে!

ননী—(আশ্চর্যান্বিত হইয়া) তোমাদের
শাস্ত্রের নেতুর বাপু আমরা অত বুঝি না।
আমরা মেরেনাভুঘ। আমাদের বাপু পিতামহে
যা করে এসেছে, আমরা তাই করি।

পশুপতি।—আমাদের বাপু পিতামহে
কি শাস্ত্র মান্ত না? আর যদি ভুলই বুঝে
থাকে, আমাদেরও তাই ক’বতে হবে?
তার বিচার নেই? আর তা ছাড়া তখনকার
ব্রাহ্মণের অনেকে নিষ্ঠে কাষ্ঠা ছিল।
তাদের অনেকের আশ্চর্য্য আশ্চর্য্য ক্ষমতা
ছিল। এখনকার ব্রাহ্মণদের সে ক্ষমতা কৈ?

ননী—ক্ষমতা থাক আর না থাক, আমি
কখনও হিন্দুধর্ম ত্যাগ ক’বতে পারবো না।

পশুপতি—আমি তোমাকে হিন্দুধর্ম ত্যাগ
ক’বতে বলছি না কি? আমি বলি, ডাল-পালা

বাদ দিয়ে, আগড়োম বাগড়োম ছেড়ে
দিয়ে যেটুকু দরকার সেইটুকুই কর। তাতে
আমার আপত্তি নেই।

ননী।—তোমার হিন্দুর মত ব্যবহারটা
কি? তুমি ব্রাহ্মসমাজে যাও, যা’র তা’র সঙ্গে
থাও,—তোমার ধর্ম কোথায়?

পশু।—তুমি কি মনে কর, কতকগুলো
জল মাথলেই ধর্ম হয়? না, এক কাজ
দশবার ক’রলেই ধর্ম হয়? না, এটা ছুঁওনা,
ওটা ছুঁওনা ক’রলেই, ধর্ম হয়? না, পৈতা
গলায় মানুষের পায়ে কেবল মাথা ঠুকলেই
ধর্ম হয়? ধর্ম, আপনার মনে। ধর্ম সং-
কার্যো। দয়ায় ধর্ম; পরোপকারে ধর্ম;
কর্তব্য কায়ে ধর্ম। তোমার গৃহকার্য্য দেখা;
স্বামীর সেবা করা; সন্তান-পালন করা;
দাসদাসীকে প্রতিপালন প্রভৃতি কার্য্য, ধর্ম।
ধর্ম গাছের ফল নয় যে, মনে ক’রলেই
পেড়ে লওয়া যায় বা তলায় কুড়াইতে পারা
যায়। ধর্মে ত্যাগ চাই, সাধনা চাই, তবে
ধর্ম হয়। মুখে ধর্ম ধর্ম ক’রলেই ধর্ম হয়
না। ধর্ম বড় শক্ত জিনিস! ধর্মে মন
পরিষ্কার হওয়া চাই। মনের অত সংকীর্ণতা,
অত খুঁত খুঁত ভাব, ধর্মের মস্ত অন্তরায়।
তোমরা মনে কর, কেবল উপোস রেখে
ধর্ম? সে মহাভ্রম! অতিরিক্ত উপোস
তিরসে শবীর নয় হয়; পীড়া হয়! সেও
একটা মহাপাপ! যে আপনার শরীর নষ্ট
করে, সে আত্মঘাতী! তা’র পুণ্য-সঞ্চয়
দূরে থাকুক, সে মস্তকে পাপের বোঝা বহন
করে। সকল কার্য্যের সীমা আছে। তোমরা
দৌড়ে দৌড়ে তীর্থে যাও, মনে কর, তীর্থ-
ভূমির মাঠ মাড়িয়ে এলেই সব পাপ দূর

হ’ল, তোমাদের মুক্তি হয়ে গেল, পুনর্জন্ম
আর হবে না! তা কখনই ভেবো না।
তোমাদের হচ্ছে কি না, “মন ভাল নয়, তীর্থ
কর, মিছে কায়ে ঘুরে মর!” আগে মন ভাল
কর, পরিষ্কার কর। পরে ধর্মের পথে
অগ্রসর হও।

ননী।—(হুঃখিত ভাবে) তুমি আমার
তীর্থে যাবার খোঁটা দিচ্ছ? বুঝিছ। আমার
পোড়া কপাল আর কি!

পশুপতি খোঁটা নয় গো, খোঁটা নয়!
তীর্থে গেছলে ভাল করেছিলে, কিন্তু তাতে
আমার কি কষ্ট হয়েছিল, তা ভাবতে
পেরেছিলে কি?

ননী। কেন? তোমার কষ্ট কিসের?

পশুপতি।—(বিরক্ত ভাবে) আমার কষ্ট
কিসের? তুমি যে-দিন আমাকে না বলে
আমার বাক্স ভেঙে, গহনা-টাকা নিয়ে
আত্মীয়-স্বজনের সঙ্গে তীর্থ কর্তে পালিয়ে
ছিলে, সে-দিন আমাদের ভিটেতে সমস্ত
দিন উত্তন জলে নি। ছেলেগুলো খাবার
বিনে ছটফট করেছে; আমি পাগলের মত
চারিদিকে তোমার খোঁজে ছুটে বেড়িয়েছি।
পাড়ার লোকে কেউ হেসেছে; কেউ হুঃখ
করেছে! সে দিনের কথা মনে হ’লে এখনও
শরীরের রক্ত শুকিয়ে যায়!

ননী। (হাসিতে হাসিতে) স্বামীর ধনে
সকলেই তীর্থ করে; সে ত স্বামীর একটা
বরাতে কথা—ভাগ্যের কথা।

পশুপতি। তা বলে কি ঐ রকম লুকিয়ে
লুকিয়ে না ব’লে কয়ে পালাতে হয়? কেন,
আমাকে ব’লে গেলে কি ক্ষতি ছিল?
আমি কি যেতে বারণ কর্তুম? তুমি

আপনার লোকের সঙ্গে যাচ্ছ, এ ত একটা
সুযোগ!

ননী। (হাসিতে হাসিতে) তোমাকে
বলে তুমি কি আর বেতে দিতে!

পশুপতি—কেন বেতে দিতাম্ না?
সঙ্গত হইলেই, যুক্তিযুক্ত হইলেই ত যেতে
দিতাম্। তোমরা বড় আতঙ্ক-বুদ্ধিতে কাষ
কর! তোমরা হামবড়া! ঐ তোমাদের
মস্ত দোষ!

ননী। (গালে হাত দিয়া) ও মা!
তোমাদের সব নূতন ধরণের কথা!
আমাদের দেশে চিরকাল উপোস, তিরস
আছে; চিরকাল দেবতা-ব্রাহ্মণে ভক্তি
আছে; চিরকাল বার ব্রত আছে; চিরকাল
গুন্ডাচার আছে; চিরকাল তীর্থ-ধর্ম আছে।
আমরা তাই করি।

পশুপতি। ঠিক ঠিক ক’রলেই হয়। তা
ত নয়; তোমরা যে অনেক ডালপালা বার
কর; শেষে জড়িয়ে মর। তোমরা কতক-
গুলো লোকের দেখাদেখি কর; কতকগুলো
আপনার মনের খেয়ালে কর। শেষে হয়
কি?—সাত নকলে আসল ভ্যাস্তা হয়ে যায়!

ননীবালা। আমি একটু পরিষ্কার পরিচ্ছন্ন
থাকতে চাই। তা থাকতে দেবে না?

পশুপতি। বেশ ত, সে ত অবশ্য কর্তব্য।
তা’তে আপত্তি কি? তুমি তা’ত ক’ববে
না?

ননীবালা। আমি কি করি?

পশুপতি। ধোপার বাড়ী থেকে কাপড়
ধপ্পে হয়ে কেচে এলো। তুমি সে কাপড়
আবার পাট ভেঙে জলে কেচে আন কেন?
তা’তে কি কাপড়গুলো আরো পরিষ্কার হয়,

না ধপ্ ধপ্ করে? একি তোমার বাতিক-পীড়া নয়? ঝি ঘর ঝাঁট দিলে, তুমি আবার অল্প কাঁচ ফেলে সে ঘর ঝাঁট দাও কেন? একি তোমার মনের পীড়া নয়? ছেলেগুলো খিদেতে ছটফট ক'রতে লাগলো, ছুটি ভাত পেলে তারা খেয়ে ঝাঁচে; তুমি তখন সাত-বার গা ধোবে, ঠাকুর-ঘরে আধ ঘণ্টা গড় ক'রবে; বাম্নের পা'র ধূলা নেবে, বাজার এলে সাতবার ভরিতরকারি ধোবে, তবে ভাত রাঁধবে। তাতে কি আর সংসার চলে? সংসার যে শীঘ্র উৎসন্ন যায়! আমাদের পরের চাকরি, পরের মন যোগাতে হবে। তাতে সংসারে অত খুটি-নাটী, অত পিট পিট ক'রলে কি চলে?

ননীবালা। তা বলে কি ধর্ম-কর্ম সব ত্যাগ ক'রবো? তীর্থ ক'রবো না, পুণ্য ক'রবো না, গঙ্গাস্নান ক'রবো না, চুপটি করে ঘরে বসে থাকবো, আর তোমাদের কাঁচ করবো?—ভাত রাঁধবো?

পশুপতি। তুমি জান ননি, গার্হস্থ্য ধর্ম মস্ত সনাতন ধর্ম। এতে ধর্ম, অর্থ, কাম, মোক্ষ, চতুর্ভুজ-ফল সবই আছে। হিন্দুগৃহ পবিত্র দেবালয়। এখানে ষষ্ঠুর, শাশুড়ী স্বামী, ভাস্কর, দেবর, বালক-বালিকাগণ বধুদিগের সেব্য। বধুগণ সকল কাজ ফেলে তাদের সেবা-শুশ্রূষা করবে। তাদের সুখ-স্বচ্ছন্দতা দেখবে। বধুরা গৃহলক্ষ্মী, তাঁদের হাট, তা'রা সর্বদা হাসিমুখে কাঁচ করবে। এই হ'ল আমাদের হিন্দু-ধর্মের সার উপদেশ। শিশুগণ সর্বত্রই দেবতা। এই শিশুদিগের প্রতি যা'রা অযত্ন করে, তা'রা ঘোর দেবদ্রোহী। তাহাদের কোন পুণ্য নাই।

ননী। তুমি ত অনেক কথা বলে। আমি আমার ছেলেদের যত্ন করি না? তাদের জেছো ভাবি না?

পশুপতি। ভাববে না কেন? ভুল ভাব; উণ্টো বোঝো। তুমি যাও ভাল ক'রতে, হয়ে দাঁড়ায় মন্দ! তোমার মন ভাল হলে কি হবে? বুদ্ধিটা ত চাই। বুদ্ধি না থেকে, ভাল মনে কি হ'তে পারে? বুদ্ধি বড় জিনিস, জান ননীবালা? এই বুদ্ধিতেই জগৎ চ'ল'চে। যেখানে বুদ্ধি নাই, সেখানে সব গোলমাল, অন্ধকার, বিপদ!

ননী। আমাদের কি বুদ্ধি নেই? আমরা কি জানোয়ার?

পশুপতি। জানোয়ার নয় সত্যি। তোমাদের মানুষের মত হাত, পা মুখ, চোক, কাণ, সবই আছে; কিন্তু বুদ্ধিটা বড় কম।

ননী। কেন?

পশুপতি। নয়? এই দ্যাখ, বিলাতে, ফ্রান্সে, সমগ্র ইউরোপে এবং আমেরিকায় মেয়েরা কতদূর উন্নত! তা'রা পুরুষের সঙ্গে সমান অধিকার পায়, তাহারা পুরুষের সঙ্গে সমান ভাবে খাটে; তাদের সঙ্গে সমান ভাবে; গুরুতর বিষয়ের আলোচনা করে। তা'রাই যথার্থ পুরুষের অর্দ্ধাঙ্গী হ'বার উপযুক্ত। তা'রাই যথার্থ পুরুষের জীবন-ভার বহনের সহায়তা করে। আমাদের দেশে কি?—মেয়েরা কেবল মুখে ধর্ম ধর্ম ক'রতে পারে; কতকগুলো ভুল বুঝা অস্মাচারকে আচার বলে তর্ক কর্তে পার। সে তর্কে স্বয়ং বৃহস্পতিরও তাদের কাছে হার মানতে হয়।

তা'রা কতকগুলো উপোস তীরেস ক'রে

শরীর ক্ষয় ক'রতে পারে; বাহিরের ব্যায়ামকে ঘরে ডেকে আনতে পারে; ডাক্তার-কবিরাজের পূর্কজন্মের ঋণ শোধ করতে পারে; বেচারা গৃহস্থকে ধনগ্রস্ত করিয়ে বিপন্ন ক'রতে পারে! আর কি?

ননীবালা। আমাদের দেশে এতদিন যে এত জীমোক ছিল, তারা কি সকলেই বোকা ছিল? কেউ কি ঘবকরা ক'রতো না, না, সংসারধর ক'রতো না?

পশুপতি। সে-সব কথা ছেড়ে দাও। সে সব পুরাকালের কথা ছেড়ে দাও। তা'দের মত তোমাদের শরীরের বা মনের জোর কা'র আছে? তোমরা ত সব চিনির পুতুল! একটু জলে গলে যাও? তোমাদের পদাধী কি আছে? তোমরা এক একটা রোগের পুঁচুলি বৈ ত নয়!

ননীবালা। খুব বলে নিচ্ছ! আচ্ছা, তবে আমাদের কি ক'রতে বল?

পশুপতি। তোমাদের শিক্ষা আবশ্যিক, যাতে তোমাদের শারীরিক ও মানসিক বল বাড়ে এবং তোমরা মাতৃম হয়ে মাতৃগণের মত সব কাজ ক'রতে পার।

ননীবালা। (হাসিতে) আমি ত বড় হয়ে পড়েছি, আমার এখন আর কি শিক্ষা হবে?

পশুপতি। শিক্ষার কি বয়স ধরা আছে? লোকে সব সময় শিক্ষা ক'রতে পারে; জ্ঞান-

লাভ ক'রতে পারে। আমেরিকার লোকের উন্নতি শুনে তুমি আশ্চর্যায়িত হবে। তারা কি ছেলে, বড়ো, মেয়ে, মন্দ সকলেই দেখা-পড়া, নানারকম ব্যবসায়ের কাঁচ-কর্ম দস্তুর মত শিক্ষা করে। মেয়েরা উকিল ব্যারিষ্টার, অ্যাটর্নি, ডাক্তার, ইঞ্জিনিয়ার, প্রোফেসর, সবই হয়। তা'রাই এই বর্তমান যুগের সভ্যজগতের সমক্ষে উন্নতিশীলা ও বরলীয়া। তা'রা সংসারের খুটিনাটী হ'তে রাজকার্য পরিচালনের ভারবহনেও সমর্থ; জুতা-গড়া হ'তে চণ্ডীপাঠ পর্যন্ত ক'রতে পারে। তা'রা তোমাদের মত সামান্য লোকের নিন্দায় বা প্রশংসাবাদে গলে যায় না, বা ফুলে উঠে না। তা'রা বর্তব্য কাঁচ বুঝে।

ননীবালা। আমরা কি আমাদের কর্তব্য কাঁচ বুঝি না?

পশুপতি। (ননীর দিকে চাহিয়া) আর মুখ নেড়ে না, চের হয়েছে! তোমার বিদ্যাবুদ্ধি-ক্ষমতার দৌড় সব বুঝতে পারা গেছে! এখন চুপটি করে ঘুমাও, রাত হয়েছে। যে কথাগুলি বললাম, যেন মনে থাকে। আর সকাল ২ ছুটি করে ভাত দিও, যেন আর জরিমানা না হয়, চাকরিটা বজায় থাকে।

ননীবালা সজ্জিতা হইয়া বিনা বাক্যব্যয়ে চুপ করিয়া শুইয়া পড়িলেন। (ক্রমশঃ)

শ্রীভুবনমোহন ঘোষ।

নিবেদন।

আমারে রাখিয়া আমি স্তূরে ফেলে,
মিশে যাই যেন তব চরণ-তলে !
সংসারের যশ মান, চাহে না এ দীন প্রাণ,
থাক দৈন্ত্য অপমান, মরত-ধূলে !
আমি যেন মিশি পদে, আপনা ভুলে !
আমি শুধু চাহি নাথ, তোমার জগতে
আপনা বিলায়ে দিতে, তোমার প্রেমতে !
তোমার রবি ও শশী, তোমার জোছনা হাসি,
তোমার আনন্দবহ স্নিগ্ধ সমীরণ,
প্রণমি পূজিতে ভরি' সারা প্রাণ মন।
চাহি না ঐশ্বর্য্য-ভার—দন্তের মঞ্চল,
চাহি না ভোগের বাঞ্চা—জলন্ত গরল !
তোমার কাজের তরে, যা দিবার দিও মোরে,

চাহি না ক্ষুধায় অন্ন, পিপাসায় জল ;
—যদি দাও প্রাণে তৃপ্তি, বুকে দাও বল !
প্রেমে ধর্ম্মে সেবা-কর্ম্মে জুড়ি ছুটি হাত
কাটায়ো দীনের দিন, ওগো দীননাথ !
ক্ষুধিতেব ক্ষুধা-নাশে, শ্রান্তি যেন নাহি আসে,
আর্ত্তের সেবায় করিবারে দেহপাত
হৃদয়ে হৃদয়বত্তা, দাও হৃদি-নাথ !
সংসারের ছুঃখ-শোক-তাপে সব ক্ষণ
জাগে যেন চিত্ত মাবো ও ছুটি চরণ !
সকল ব্যথার ঘায়ে শুধু তব মুখ চেয়ে
হইবারে আত্মহারা আনন্দে মগন—
অন্তরে অমৃতালোক দাও, নারায়ণ !
শ্রীশৈলবালা ঘোষজায়া।

অষ্টাবক্রগীতা।

(পূর্বপ্রকাশিতের পর)

ন বিক্ষেপো ন চৈকাগ্র্যং নাতিবোধো ন মূঢ়তা।
ন স্তুং ন চ বা ছুঃখমুপশান্ত্য যোগিনঃ ॥১০॥
যে যোগিপুরুষ সঙ্কল্পবিকল্প-ত্যাগপূর্বক
শান্তি প্রাপ্ত হইয়াছেন, তাঁহার চাঞ্চল্যও নাই,
একাগ্রতাও নাই ; অতিবোধও নাই, মূঢ়তাও
নাই, স্তুং নাই, ছুঃখও নাই। ১০।
স্বীরাজ্যে ভৈক্ষ্যবৃত্তৌ চ লাভালাভে জনে বনে।
নির্বিকল্পস্বভাবস্ত ন বিশেষোহস্তি যোগিনঃ ॥১১॥
যিনি সঙ্কল্প ও বিকল্প ত্যাগ করিয়াছেন,
এতাদৃশ যোগীর স্বর্গরাজ্য ও ভিক্ষাবৃত্তি, লাভ
ও ক্ষতি, জনসমাজ ও অরণ্যরাজ্য, এই সকলে
কোন ভেদবুদ্ধি থাকে না। অর্থাৎ সাংসারিক

বুদ্ধিতে লোকে যাহাকে উৎকৃষ্ট বস্তু বলে,
তাঁহার লাভে যোগীর কোনো প্রকার হর্ষ
উপস্থিত হয় না, বা নিকৃষ্ট বস্তুর সহযোগেও
কোনরূপ ছুঃখ হয় না। কারণ, পরিপূর্ণস্বভাব
আত্মস্বরূপ যিনি লাভ করিয়াছেন, তাঁহার
বিচুতেই হাসবুদ্ধি সম্ভবপর নহে। সঙ্কল্প-
বিকল্পাত্মক অন্তঃকরণকে ত্যাগ করিলেই,
তাদৃশ আত্মস্বরূপ অতিসুখলভ্য। ১১।
ক ধর্মঃ ক চ বা কামঃ ক চার্থঃ ক বিবেকিতা।
ইদং কৃতমিদং নেতি দ্বন্দ্বৈমুক্ত্য যোগিনঃ ॥১২॥
'ইহা অল্পাশ্রিত হইল', 'ইহা অল্পাশ্রিত হইল
না', এইপ্রকার বিরোধিধর্ম্মধূগলের গণ্ডী যিনি

অতিক্রম করিয়াছেন (অর্থাৎ পূর্ণস্বভাব আত্ম-
স্বরূপে অবস্থিতি-নিবন্ধন ধাঁহার কর্তব্য বা
অকর্তব্য কিছুই নাই), তাঁহার পক্ষে ধর্ম,
অর্থ, কাম বা মোক্ষ কিছুই কিছু নহে। ১২।
কৃত্যং কিমপি নৈবাস্তি ন কাপি হৃদি রঞ্জনা।
যথা জীবনমেবেহ জীবনুক্ত্য যোগিনঃ ॥১৩॥

জীবনুক্ত্য যোগীর কিছুই কর্তব্য নাই,
তাঁহার হৃদয়ে কোনপ্রকার বিষয়ানুরাগও
নাই। কিন্তু তথাপি প্রারদ্ধানুসারে তাঁহার
জাগতিক জীবন অতিবাহিত হয় (অর্থাৎ তিনি
জীবনধারণের জন্ত স্বয়ং কোনপ্রকার
অনুষ্ঠান, চেষ্টা বা প্রযত্ন করেন না ; কেবল
প্রারদ্ধাকর্ম্মের বেগানুসারে যাহা ঘটবার তাহাই
ঘটে। ১৩।

ক মোহঃ ক চ বা বিশ্বং ক তদ্বানং ক মুক্ততা।
সর্বসঙ্কল্পসীমায়াং বিশ্বান্তস্ত মহাত্মনঃ ॥১৪॥

সর্বপ্রকার সঙ্কল্পের অতীত অবস্থা যে
মহাত্মা লাভ করিয়াছেন, তাঁহার মোহ
কোথায়, বিশ্ব তাঁহার পক্ষে কোথায়, বিষয়-
বাসনা তাঁহার কিরূপে সম্ভবে, এবং মুক্তিই বা
তাঁহার পক্ষে কি হইতে পারে? (এ-সকলই
সঙ্কল্পের উপর নির্ভর করে। ধাঁহার সঙ্কল্প নাই,
তাঁহার এইসমস্ত কিরূপে সম্ভবে?)। ১৪।

যেন বিশ্বমিদং দৃষ্টং স নাস্তীতি করোতু বৈ।
নির্বাসনঃ কিং কুরুতে পশুশপি ন পশুতি ॥১৫॥

যিনি জগৎকে বাসনার দ্রব্যরূপে দেখেন,
তিনি সেই দর্শন-নিরোধের চেষ্টা করিতে
পারেন, কিন্তু যিনি বাসনাশূন্যতাবশতঃ কিছু
দেখিয়াও দেখেন না, তাঁহার কি কর্তব্য
অবশিষ্ট আছে?। ১৫।

যেন দৃষ্টং পরং ব্রহ্ম সোহহং ব্রহ্মেতি চিন্তয়েৎ।
কিং চিন্তয়তি নিশ্চিত্তো দ্বিতীয়ং যো ন
পশুতি ॥১৬॥

যে পুরুষ পরব্রহ্মকে নিজ হইতে ভিন্ন মনে
করে, সে “আমি ব্রহ্ম” এইরূপ চিন্তা করুক ;
কিন্তু যিনি দ্বিতীয় কিছুই দেখেন না, তিনি
চিন্তাশূন্য হইয়া কি চিন্তা করিবেন? ১৬।
দৃষ্টো যেনাবিক্ষেপো নিরোধং কুরুতে হ্রসৌ।
উদারস্ত ন বিক্ষিপ্তঃ সাধ্যাভাবাৎ করোতি
কিম্ ॥১৭॥

যে পুরুষ অন্তঃকরণের বিক্ষেপ অবলোকন
করে, সে তাহার নিরোধের চেষ্টা করিতে
পারে। (কিন্তু বাস্তবিকপক্ষে অন্তঃকরণ বা
তাঁহার বিক্ষেপ কিছুই নাই।) অতএব উদার
ব্রহ্মভাবনাকারী বিক্ষিপ্তই হইতে পারেন
না। স্তুরাং সাধনাদ্বারা প্রাপ্যবস্তুর
অভাব-নিবন্ধন, তিনি কোন্ কার্য্যে নিযুক্ত
হইবেন? (১৭)

ধীরো লোকবিপর্য্যস্তো বর্তমানোহপি
লোকবৎ।

ন সমাধিং ন বিক্ষেপং ন লেপং স্বস্ত
পশুতি ॥১৮॥

লৌকিক বিপর্য্যাসভাব বা বিক্ষেপ ধাঁহার
নাই, এতাদৃশ ধীর পুরুষ সংসারী লোকের
ক্রায় বর্তমান থাকিলেও, নিজের সমাধি,
বিক্ষেপ, আসক্তি কিছুই দেখেন না। (সংসারে
ত্রিবিধ লোক আছে—উৎকৃষ্ট, মধ্যম ও
অধম। উৎকৃষ্টব্যক্তিগণ সাত্বিকপ্রকৃতি ;—
নিয়ত যম, নিয়ম, সমাধি প্রভৃতির অনুষ্ঠানে
রত। মধ্যম ব্যক্তিগণ রাজসিক-প্রকৃতি ;—
নানাকর্তব্যবাসনানার্থ আকুলচিত্ত,—বিক্ষিপ্ত।
অধম ব্যক্তিগণ নানাপ্রকার মোহময় বন্ধনে

আসক্ত, জড়ীভূত। গুণাতীত ধীরব্যক্তিও
ব্যাবহারিক দৃষ্টিতে এই তিনের এক অবস্থায়
আসীন। কারণ, গুণময়ী ব্যাবহারিক দৃষ্টি
এই তিন ব্যতীত কিছুই দেখিতে পারে না।
কিন্তু বস্তুতঃ ধীরব্যক্তির অবস্থা সমাপ্তি,
বিক্ষেপ ও আসক্তি, এই তিনের অতীত এক
অনির্কচনীয়-ভাবময়ী)। ১৮।

ভাবভাববিহীনো যন্তুশ্চো নির্বাসনো বৃধঃ।

নৈব কিঞ্চিৎ কৃতং তেন লোকদৃষ্ট্য।

বিকুবর্তা ॥ ১২ ॥

যে ধীরব্যক্তি নিত্য আত্মানন্দরসে তৃপ্ত—
পরিপূর্ণ, ভাবভাবের অতীত—বাসনাশূন্য,
তিনি লোকদৃষ্টিতে বিকারপ্রাপ্ত হইলেও
বাস্তবিক কিছুই করেন না। (কেন না,
তাঁহার অভিমান নাই। লোকে নিজের
উপায় অশ্রের কার্যের সমালোচনা করে;
এজ্ঞ গুণাতীত ব্যক্তির কার্য বুঝিতে না
পারিয়া নিজের ভাব তাঁহাতে আরোপিত
করে।)। ১২। (ক্রমশঃ)

শ্রীধীরেশচন্দ্র শাস্ত্রী।

ব্রাহ্মভাব।

নিঃস্বার্থতা-দেবতার হইল বাসনা
ব্রাহ্মবন্ধঃসমুদ্রের করিতে মথন,
হইলা উদারচিত্ত মন্দর তখন,
লইলা বাস্তুকিধর্ম স্ববৃত্তি আপনা;—
উঠিল অমৃতরূপী মেহ নিরমল
কিবা প্রাণসঞ্জীবন মধুর শীতল!

স্বার্থাস্তর অভিলাষ করিল তখন
সুখা আশে ব্রাহ্মবন্ধঃ-মথনে আবার,

লইলা সঙ্কীর্ণচিত্ত মন্দরের ভার,
কুবৃত্তি বাস্তুকিকর্ম করিল গ্রহণ;
তীব্র হলাহলরূপে বৈরিভা উঠিল,
বিশাল সংসার হায়! নাশিতে যাইল!
কঠে সে গরল ধরে ব্রাহ্মভাব-ভোলা,
বিমুক্ত সংসার হ'ল অমৃতে উতলা!

শ্রীভবভূতি বিদ্যারঙ্গ।

পালামৌ-ভ্রমণ।

(পূর্বপ্রকাশিতের পর)

(২)

আমরা ছেলেবেলায় শুনিয়াছিলাম, ছোট-
নাগপুরে এমন জঙ্গল যে, অনেকস্থানে সূর্যের
আলোক পর্যন্ত দেখা যায় না। পালামৌ
ভ্রমণ করিয়া তাহা যথার্থই বুঝিতে পারিলাম।
ডাল্টনগঞ্জের ১৭ মাইল দূরে রাঁচির দিকে

সাতবাঁরোয়া। পথে যদিও মধ্যে মধ্যে জঙ্গল
এবং পাহাড় আছে, কিন্তু সে জঙ্গল ঘন
নহে। সাতবাঁরোয়া হইতে দক্ষিণ-পশ্চিম দিকে
কেড় নামে একটি পুলিশ আউটপোস্ট আছে;
তথায় একটি ক্ষুদ্র ডাকঘরও আছে। এই
স্থানটিতে নিবিড় বন। কেড় সাতবাঁরোয়া

হইতে ৮ মাইল। এই আট মাইলের মধ্যে দুই
তিনটি গ্রাম ভিন্ন আর লোকালয় নাই। মধ্যে
একটি পার্বত্য নদী আছে। কিন্তু তাহার
গর্ভে বালুকা অপেক্ষা প্রস্তরই অধিক।
ইহাতে বর্ষা এবং বৃষ্টি ভিন্ন জল থাকে না।
আমরা অশ্বারোহণে তাহা পার হইলাম।

পূর্বে বলিয়াছি, পালামৌতে গাড়ী
চলিবার মত রাজপথ নাই। আমরা কেড়
যাইতে সাতবাঁরোয়া হইতেই রাজপথ ত্যাগ
করিলাম। ইহার পর বনবিভাগের হাঁটা
পথ, যাহাকে ইংরেজীতে 'ফুটট্র্যাক' বলে।
পালামৌর অনেক রাস্তাই বনবিভাগের।
অনেক স্থলেই বনবিভাগের এবং চৌকিদারী
বাঙ্গালা আছে। ডিস্ট্রিক্ট বোর্ড কিংবা পাবলিক
ওয়ার্কসের বাঙ্গালা অতিবিরল। চৌকিদারী
'বাঙ্গালা' অতিশয় অদ্ভুত। ইহা একখানি
খোলার ঘর। তাহাতে একখানি ভাঙ্গা
খাটুলি, একখানি ভাঙ্গা চেয়ার এবং একখানি
ভাঙ্গা টেবল। কোন জিনিষই চোরে লইবে
না, এই বিশ্বাসেই বোধ হয়, বাঙ্গালার এই সব
সাজ-সজ্জা। ইহার দরজাও প্রায় ভাঙ্গা।
অনেকস্থলেই রাত্রিতে বাঘের ভয়ে বড় কাঠ
দিয়া দরজা বন্ধ করিয়া রাখিতাম।

সাতবাঁরোয়া একটি বড়গ্রাম। এখানে
দোকান-পাঠ আছে; অনেক লোকের বসতি;
কিন্তু কেড় যাইতে যে-সকল গ্রাম দেখিলাম,
তাহাতে ৫৭ ঘর মাত্র লোকের বসতি।
যতই কেড়ের নিকটবর্তী হইতে লাগিলাম,
জঙ্গল ততই ঘনতর হইতে লাগিল। একদিকে
জঙ্গল, অপরদিকে পাহাড়; তাহার মধ্যে ক্ষুদ্র
পথ। এই পথে আমি ক্ষুদ্র অশ্বে চলিয়াছি।
সঙ্গে ২৩ জন জিনিষ বহিবার কুলী, আমার

পাঁড়ে এবং দুই একজন আরও সঙ্গী।
ব্যাঘ্রেরা দয়া করিয়া আমাদিগকে অনেক-
স্থলেই একপ্রকার ছাড়িয়া দিতেছিল। কারণ,
পালামৌর জঙ্গলে ভীষণ কাঁটা আছে; তাহা
দুর্ভেদ্য বলিলেও চলে। তাহাতে ব্রাহ্ম
একবার টানিয়া লইলেই আর নিকৃতির উপায়
ছিল না।

পালামৌর কুলী-কাহিনী অদ্ভুত। কুলী
বলিলে কেহই বোঝা বহিবে না। আমরা
মফঃস্বলে যাইবার পূর্বে থানায় চিঠি দিতাম
যে, আমার এতজন লোক আবশ্যিক। পুলিশ
বেগার ধরিয়া কয়েকজন লোক আনিয়া দিত।
বেগার সকল জাতি হয় না। কোন কোন
জাতির লোককে বেগার ধরা হয়, পুলিশ তাহা
জানে। এই সকল লোকের ধারণা, তাহারা
কুলী নহে। সরকার হইতে বেগার ধরিয়াছে,
তাই তাহারা কি করে আর, বাধ্য হইয়া কুলী
হইয়াছে। পালামৌর সর্বত্রই 'কুলী' কিংবা
'মজুর' কথায় ব্যবহার নাই। কুলীকে
'বেগারে' বলিয়া থাকে। বেগারী লোক প্রায়
৫৬ মাইলের বেশী যায় না। পরে আবার
স্থানীয় চৌকিদারকে বলিয়া বেগারি ধরিতে
হয়। বেগারিকে ক্রোশে ১০ দিতে হয়।

বেগারি সুযোগ পাইলেই বোঝা ফেলিয়া
পলায়ন করে। তজ্জন্ম তাহাদিগকে চোখে
চোখে রাখিতে হয়। এমন কি মল-মূত্র-
ত্যাগের সময়ও কাছে লোক রাখিতে হয়।
কারণ, জঙ্গলে বোঝা ফেলিয়া পলাইলে বড়ই
বিপদ। এজন্ম প্রায়ই দুই একজন বেশী
বেগারি রাখিতে হয়। আমার একবার লণ্ডন
ফেলিয়া, দ্বিতীয় বার পেটারি ফেলিয়া
পলাইয়াছিল। শেষবার সঙ্গে লোক ছিল

না। দৈবচক্রে পথে একটা লোক কিয়দূর
বহিয়া দেয়, নতুবা নিজকেই বহিতে হইত।

কেড় পৌছিয়া দেখিলাম, থানা এবং
ডাকঘর ভিন্ন দুই তিন ঘর নিম্নশ্রেণীর
লোকের বাসমাত্র। এতদ্ভিন্ন সর্বত্রই নিবিড়
জঙ্গল। বহুদূর দৃষ্টি চলে অন্যীম বন ভিন্ন আর

কিছুই নাই। বহুময়ুর থানায় এক রশির
মধোমাসিয়া চরিতেছে! এখানে যাহার বাস
করে, তাহাদিগকে দূরবর্তী হাট হইতে
আবশ্যক মত জিনিষ আনিতে হয়, নতুবা
কিছুই পাওয়া যায় না। (ক্রমশঃ)

শ্রীরজনীকান্ত দে।

সামাজিক প্রশংসা।

স্বর্গীয় রামেন্দ্রসুন্দর ত্রিবেদী।—আমরা
গভীর দুঃখের সহিত প্রকাশ করিতেছি যে,
অধ্যাপক রামেন্দ্রসুন্দর ত্রিবেদী মহাশয় ৫৫
বৎসর বয়সে তাহার নশ্বর দেহ পরিত্যাগ
করিয়াছেন। তাহার বিয়োগে বঙ্গজননী
তাঁহার একটি শ্রেষ্ঠ শিক্ষিত সন্তান হারাইলেন।
ছাত্রাবস্থায় রামেন্দ্রসুন্দর আপনাকে বঙ্গ
কীর্তিমান করিয়াছিলেন, তদ্রূপ পরেও তিনি
স্বার্থত্যাগ, মাতৃভূমি ও মাতৃভাষার সেবায়
আপনার শক্তি নিয়োগে আপনাকে যশস্বী
করিয়াছেন। বঙ্গীয়-সাহিত্য-পরিষদের তিনি
বহুকাল সম্পাদক এবং জীবনের অবশিষ্ট
কয়েকটা দিন উহার সভাপতিও ছিলেন।
তিনি অতিশয় স্থলেখক ও সাধুচরিত্র ছিলেন।
জন্মন ভাষায় অনুদিত তাঁহার কতিপয় প্রবন্ধ
পাঠ করিয়া জন্মনদেশীয় চিন্তাশীল ব্যক্তিগণ
তাঁহাকে সম্মান প্রদানে কুণ্ঠিত হন নাই।
বিজ্ঞানে দেশবাসীর হৃদয় আকৃষ্ট করিবার জ্ঞান
তাঁহার মৌলিক গবেষণাপূর্ণ সরল প্রবন্ধ-
সকল, তাঁহার ঐতরের ব্রাহ্মণের অনুবাদ
প্রভৃতির জ্ঞান, যতদিন বঙ্গভাষা জীবিত
থাকিবে, ততদিন তাঁহাকে দেশবাসী

কৃতজ্ঞতার অঞ্জলি প্রদান করিবে। বিধাতা
তাঁহার আত্মার উন্নতি ও শান্তি বিধান করুন।

নগর-নির্মাণ।—বঙ্গীয়-গবর্ণমেন্ট ভারত-
গবর্ণমেন্টের অনুমোদনার্থ নগর-নির্মাণ-বিষয়ক
একখানি বিল উক্ত গবর্ণমেন্টে দাখিল
করিয়াছেন।

তীর্থ-যাত্রীদের স্বাস্থ্য।—বিহার
উড়িয়া গবর্ণমেন্ট উক্ত প্রদেশস্থ তীর্থক্ষেত্র-
গুলির যাত্রিসমূহের স্বাস্থ্যতত্ত্বাবধানবিষয়ক
একখানি বিল ভারত-গবর্ণমেন্টের অনুমোদনার্থ
পাঠাইয়াছেন।

বিজয় পদক।—অষ্ট্রেলিয়ায় বিজয়োৎসব
উপলক্ষে তথাকার বালক-বালিকাদিগকে ১৫
লক্ষ বিজয় পদক বিতরণ করা হইবে।
উহাতে লিখিত থাকিবে—“স্বাধীনতা, জ্ঞান ও
শান্তির জয়, ১৯১৯”।

বিনা স্কুদে ধার।—মূলতানের প্রসিদ্ধ ধনী
শেঠ প্রভুদয়াল ভারত-গবর্ণমেন্টকে ৩ লক্ষ
টাকা বিনা স্কুদে ধার দিয়াছেন। আফগান
যুদ্ধ শেষ হইলে যতকাল পরে খুসী গবর্ণমেন্ট
এই টাকা শোধ করিবেন। ভারত গবর্ণমেন্ট
এই ধার গ্রহণ করিয়াছেন।

পরের জীবন হইতে দৃষ্টি ফিরাও।

এই পৃথিবীতে আমরা দেখিতে পাই যে,
আমাদিগেরই মধ্যে একশ্রেণীর লোক পরের
জীবনে উকি মারিতেই ব্যস্ত; পরের জীবনের
খুটিনাটি লইয়াই এরূপ চিন্তামগ্ন, পরে কি
করিল, কি বলিল, কি ভাবিল, কি পাইল,
এই লইয়াই এরূপ ভাবে জীবন কাটাইতেছে
যে নিজের জীবনে উকি মারিয়া তাহা পরীক্ষা
করিবার সময় তাহাদের নাই; নিজের কি
আছে, নিজের কি করিতেছে, কি বলিতেছে,
কি পাইতেছে, তাহা ভাবিবার তাহাদের
অবসর নাই। পরচর্চায়, পরের জীবনালোচনায়
তাহারা দিবারাত্র সম্পূর্ণ নিমগ্ন ও নিরন্তর
অন্তর্জালয় বিদগ্ন;—শান্তি নাই, স্বপ্তি নাই।
খাইতে, শুইতে, উঠিতে, বসিতে, দৈনন্দিন
কর্মসাধনকালে সর্বদাই অপরের কাজ,
অপরের বাঁক্য, অপরের আচরণ স্মরণ
করিতেছে, মনে মনে তৎসম্বন্ধে কত কল্পনা
করিতেছে, অস্ত্রের সাহিত তদ্বিষয়ে কথোপ-
কথন করিতেছে! এই শ্রেণীর লোকের আচরণ
ও কথাবার্তা দেখিলে ও শুনিলে, অনেক সময়
মনে হয়, যেন তাহারা বৃষ্টি, ঐ সকল ব্যক্তির
জ্ঞান দায়ী? কিন্তু “অমুক ব্যক্তি এই প্রকার,
অমুক অগ্র প্রকার, অমুক এই বলিয় ছে,
অমুক এই করিয়াছে, অগ্র অমুক তাহাতে
এই বলিল”—এই প্রকার বিষয় লইয়া ব্যস্ত
থাকিলে কি কোনও লাভ হয়? অস্তিম দিনে,
যেদিন এই শশুশ্যামল, ঐশ্বর্যশালী মরলোক
পরিত্যাগ করিয়া ক্ষুদ্রবুদ্ধির অগম্য জ্ঞানাতীত
লোকান্তরে মানব চলিয়া যাইবে, তখন কি
তাহার সেই গতি, ‘পরে কি করিয়াছিল, কি

বলিয়াছিল,’—তাহার দ্বারা নিরূপিত হইবে?
না, সেই মানবটা স্বয়ং যাহা করিয়াছিল, যাহা
ভাবিয়াছিল, তাহার দ্বারাই নিশ্চিত হইবে?
ঋষিরা বলিয়াছেন,—“শুভাশুভফলং কর্ম
মনোবাগ্দ্দেহসম্ভবম্। কর্মজা গতযো নৃণা-
মুত্তমাধমমধ্যমাঃ ॥—অর্থাৎ “মানসিক, বাচিক
ও কায়িক, এই তিন প্রকার কর্মেই শুভ এবং
অশুভ ফল জন্মে। মনুবাদিগের উক্তম, মধ্যম
ও অধম এই তিন প্রকার কর্মজনিত গতি
হয়”। “একঃ প্রজায়তে জন্তুরেকএব প্রনীয়তে।
একোহনুভুক্তে স্কৃতং এক এব তু দুষ্কৃতম্ ॥”
—মনুস্য একাকী জন্মগ্রহণ করে, একাকী মৃত
হয়, একাকী স্বীয় স্কৃততিফলভোগ করে এবং
একাকীই স্বীয় দুষ্কৃতি-ফলভোগ করে।
অতএব মানুষ যদি নিজের জ্ঞান নিজেই দায়ী,
তবে সে অপরকে লইয়া এত ব্যস্ত কেন?
অপরকে লইয়া সে এত জড়াইতে চাহে
কেন? যখনই মানবের এই পরজীবনানুসন্ধি-
সুপ্রকৃতি প্রবল হইবে, তখনই কি সে
আপনাকে এই বলিয়া সতর্ক করিবে না?—
‘রে মূঢ়, রে নিকোঁধ মন, পরের জীবনে উকি
মারিতে তোমার এত অভিলাষ কেন? পরের
কার্য দেখিতে তুমি আপনাকে ভুলিয়া যাও
কেন? পরের কাজ দেখিতেই ও তাহার
সমালোচনা করিতেই কি তুমি জগতে
আসিয়াছ? তুমি কয়জন পরকে দেখিতে পার?
তুমি যে অতিক্ষুদ্র; নিজেকে দেখ, নিজেকে
দেখ। সকলকে দেখিবার জ্ঞান তোমার
ব্যস্ততার আবশ্যকতা নাই। সকলকে দেখিবার
জ্ঞান একজন আছেন;—সেই বিধাতাপুরুষ

সকলকেই জানেন। এই অসীম ব্রহ্মাণ্ড-মণ্ডলের বৃহৎ হইতে বৃহত্তম, ক্ষুদ্র হইতে ক্ষোদ্র বস্তুর কার্যকলাপও তিনি সুবিদিত। কি প্রোঞ্জল রবিকিরণে, কি অমাবশ্যার সূটী-ভেদ্য অন্ধতমসে অনুষ্ঠিত কোনও কার্যই তাঁহার দৃষ্টিকে অতিক্রম করিতে পারে না। তিনি প্রত্যেকের প্রত্যেক অবস্থা জানেন। প্রত্যেকের প্রত্যেক চিন্তা, প্রত্যেকের প্রত্যেক ইচ্ছা, প্রত্যেক অভিলাষের উদ্দেশ্য ও অভিমুখি—এই সকলেরই সুক্ষ্মতম গতি তিনি প্রত্যক্ষ করিতেছেন।” আমরা অপরের কার্য দেখিয়া, তাহার বাহ্য হাবভাব দেখিয়া, আপনার কার্যাদির সহিত আপনার মানসিক ও বাহ্য ভাব চিন্তা করিয়া এবং তাহার সহিত অপরের ঐসকল অভিব্যক্তির তুলনা করিয়া অপরের মনোভাব বুঝিতে চেষ্টা করি, কিন্তু বহুহুনেই আমাদের সিদ্ধান্ত ভ্রান্ত ও বিকৃত হইতে পারে। কিন্তু বিধাতার এ-সকল কিছুই প্রয়োজন হয় না। অণু পরমাণুও তাঁহার দৃষ্টির বহির্ভূত নহে;—সকলেই তাঁহার শাসনে সুশাসিত, তাঁহার নিয়মে নিয়মিত—বিধানে বিধিত। আমাদের সকলেরই দ্রষ্টা তিনি। স্তবরাং, আমরা যাহা করি, যাহা বলি, যাহা ভাবি, সকলই যেন তাঁহাতে সমর্পণ করি এবং চিন্তের অশান্তি ও অসন্তোষকে দূরে পশ্চিহার করিয়া তথায় শান্তি রক্ষা করিতে যত্নবান হই। মানুষ মানুষের নিকট আত্ম-ভাব, আত্মকার্যাদি গোপন করিতে পারে, সে ভাবিতে পারে, ‘আমি সকলের চক্ষে ধুলি নিক্ষেপ করিতেছি, কিন্তু মানবকে প্রভাবিত করিতে সমর্থ হইলেও, ঈশ্বরকে প্রভাবিত

করিবার সাধ্য কাহারও নাই। যে-ব্যক্তি পরকে লইয়াই বাস্ত, শত উপদেশেও যে বধির, সে তাহার স্বপথই অনুসরণ করুক;—সময় আসিবেই আসিবে, যখন তাহাকে ফিরিতেই হইবে।

পরজীবনে আর এক প্রকার দৃষ্টি আছে, তাহা এই:—‘আমার নাম বিশ্ববিখ্যাত হউক, বিশ্বজনের মুখে আমার নাম সাদরে উচ্চারিত হউক; আমি বহুব্যক্তির আন্তরিক সৌহার্দ লাভ করি, আমি গোপনে গোপনে সকলের হৃদয়ের প্রেম লাভ করি, সকলের হৃদয়কে অধিকার করি।’ এই প্রকার আকাঙ্ক্ষার বশীভূত হওয়াও কর্তব্য নহে। এই সকল বস্তুই চঞ্চলতা উৎপাদন করে, হৃদয়ান্বকার ঘনীভূত করিয়া দেয়।

এই সকল পরিত্যাগ করিয়া বিধাতার দিকে দৃষ্টি নিক্ষেপ করিতে হইবে, সর্বত্র সর্বদা সজাগ হইয়া তাঁহার আগমন পর্য্যবেক্ষণ করিতে হইবে, সমুদয় হৃদয়দ্বার উদ্ঘাটন করিয়া তাঁহার জন্ম প্রতীক্ষা করিতে হইবে; তাহা হইলে তিনি আপনাই তাঁহার বাণী শুনাইবেন: অদ্য যাহা ঘোর তমসচ্ছন্ন বোধ হইতেছে, তাহা উজ্জ্বল দীপ্তিতে উদ্ভাসিত হইয়া উঠিবে। আর অপরের পানে চাহিতে হইবে না,—পরমেশ্বরের পূর্ণ জ্যোতিঃতে মানব আপন পথে অগ্রসর হইতে পারিবে। কিন্তু ইহার জন্ম আমাদের সর্বদা সজাগ ও সতর্ক হইয়া ভগবানের নিকট অকপট প্রার্থনা করিতে হইবে এবং সর্বাবশয়ে সর্বদাই বিনীত-মুষ্টি ধারণ করিতে হইবে।

শ্রীযুক্ত—

সীলট চূণ

সস্তার বিচার মূল্যের দ্বারা হয় না।

একমাত্র গুণের দ্বারা স্থির হইতে পারে।

সীলট চূণের মূল্য আপাততঃ অধিক মনে হইলেও বাস্তবিক ইহা অতিমূল্য। এ চূণে যে কাজ করা যায়, তাহা শীঘ্র খারাপ হয় না এবং বহুকালস্থায়ী হয়। এ-সম্বন্ধে কাহারও আদৌ সন্দেহ নাই।

দেড় শত বৎসর ধরিয়া “সীলট চূণ” সর্বোৎকৃষ্ট বলিয়া সর্বত্র সমাদৃত এবং ইহাই ইহার গুণের যথার্থ পরিচায়ক।

কিলবরণ এণ্ড কোম্পানী।


ম্যানেজিং এজেন্টস্—সীলট লাইম কোম্পানী লিমিটেড।

৪ নং ফেয়ারলি প্লেস্, কলিকাতা।

বা, বো, বিজ্ঞাপন।

সহস্র দৈহিক সৌন্দর্য

কি ও রমণী কুরূপা হয় কিসে, তাহা জানেন কি? এক অলঙ্কারের অভাবেই তাঁহার স্বর্গীয় সৌন্দর্যরাশির যেন কিছুতেই ক্ষুরণ হয় না। আমার অলঙ্কার রজনীতে কোটি গাঢ়ী তারকামালা-খচিত সুনীল নভোমণ্ডল যেমন একমাত্র শশধর-বিরহে ঘন-তিমিরাবৃত কে, দৈহিক অগ্নাশ্র সৌন্দর্য্যও তেমনই একমাত্র অলঙ্কার অভাবে মলিন হইয়া যায়। এই অলঙ্কারে পান থাকিলে গৃহস্থামীর মর্ম্মপীড়ার যথেষ্ট কারণ হয় না কি? এখন হইতে পান-মরা আদৌ বাদ যাইবে না। আমাদের প্রস্তুত অলঙ্কার ফেরৎ দিলে, আমরা উহাতেই তন অলঙ্কার প্রস্তুত করিয়া দিব। স্বর্ণের দরুণ এক পয়সাও ক্ষতিগ্রস্ত হইতে হইবে না। কবল মজুরীর টাকা আপনাকে ক্ষতি-স্বীকার করিতে হইবে।



মণিলাল এণ্ড কোং,

জুয়েলাস এণ্ড ডায়মণ্ড মার্চেন্টস্, ৪০ নং গরাণহাটা স্ট্রিট, কলিকাতা
টেলিগ্রাফ এড্রেস—নেকলেস।

মণিলাল কোংর সত্বাধিকারী শ্রীযুক্ত বাবু রামপদ বন্দ্যোপাধ্যায়
প্রণীত স্ত্রীপাঠ্য উপন্যাসাবলী।

জীবন-সংগ্রাম

ইহু শত বৎসর পূর্বে শশু-শ্যামলা বাবুলার কি অবস্থা ছিল, তৎকালীন বঙ্গসমাজ ও বাঙ্গালীর কীর্তিকলাপ যদি জানিতে চান, তবে ইহা পাঠ করুন। গ্রন্থখানির তৃতীয় সংস্করণ হইয়াছে। মূল্য ১০ পিকা।

মানব চিত্র

হিন্দুর জন্মান্তরবাদ ইত্যাদি কঠিন প্রশ্নের সীমাংসা ইহাতে উপন্যাস আকারে বর্ণিত হইয়াছে। পড়িতে পড়িতে চক্ষু অশ্রুজলে দিল্প হইয়া উঠিবে। মূল্য ১০ পিকা।

আমার ভ্রমণ

লক্ষ্মী, অযোধ্যা-দেবদীন মুসৌরী হরিদ্বার—ইত্যাদি বিখ্যাত স্থানগুলি গ্রন্থকার স্বয়ং পর্যটন করিয়া ইহা গল্পছলে লিপিবদ্ধ করিয়া গিয়াছেন। ভাষা এত সুন্দর যে অল্প শিক্ষিতা মহিলারাও অনায়াসে পাঠ করিতে পারেন। মূল্য ১০

সংসার-চিত্র

কয়েকটা ছোট গল্পের সমষ্টি। গল্পগুলি গ্রন্থকার প্রত্যক্ষ ঘটনা হইতে লিপিবদ্ধ করিয়াছেন। প্রত্যেক গল্পই শিক্ষাপ্রদ ও চিত্তাকর্ষক। মূল্য ১০ পিকা।

সমস্ত পুস্তকগুলি ২০১ নং কর্ণওয়ালিস স্ট্রিটে গুরুদাস বাবুর লাইব্রেরীতে প্রাপ্য।

বা, বো, বিজ্ঞাপন।

দারুণ গ্রীষ্মে মাথা ঠিক রাখিবার একমাত্র উপায়

জ্বাকুসুম তৈল।



জ্বাকুসুম তৈল মাথিয়া স্নান করিলে শরীর ঠাণ্ডা হয়। কাজের সময় গলদ্বর্ষ হইতে হয় না। জ্বাকুসুম তৈলের গন্ধ স্থায়ী। একবার মাথিলে গায়ের দুর্গন্ধ দূর হয়। মহারাজাধিরাজ হইতে দরিদ্র ব্যক্তি পর্যন্ত সকলেই জ্বাকুসুমের গুণে মুগ্ধ। মহিলাগণ কেশের সৌন্দর্য্য-বৃদ্ধি করিবার জন্ত আদরের সহিত নিত্য জ্বাকুসুম তৈল ব্যবহার করেন। এক শিশির মূল্য ২ এক টাকা তি পিতে ১১/০; তিন শিশির মূল্য ২০, তি পিতে ২১/০।

সুরবল্লী কষায়।

রক্তচুষ্টির মহৌষধ।

সুরবল্লীকষায় সেবনে শরীরের দূষিত শোণিত বিশোধিত হয়। চুলকানি ও পারদ-জনিত নানারূপ ক্ষত প্রভৃতি কষ্টদায়ক রোগ শীঘ্রই দূরীভূত হয়।

দেশীয় সালসা সেবনে পুরুষত্ব ও শরীরের কান্তি বর্দ্ধিত থাকে। এই সালসা সেবনমাত্রই শরীরে নূতন জীবনী-শক্তির সঞ্চার হয়।

মূল্য এক শিশি ১০ দেড় টাকা, তি পিতে লইলে মোট ২/০-আনা।

ব্যবস্থাপক ও চিকিৎসক—

শ্রীউপেন্দ্রনাথ সেন, কবিরাজ,

২০ নং কলুটোলা স্ট্রিট, কলিকাতা।

অভাবনীয় ব্যাপার! রমণীরঞ্জন চুড়ি। অলঙ্কারের যুগান্তর।

মায়াপুরী মেটলে প্রস্তুত।



মায়াপুরী মেটলে প্রস্তুত।

যাহা হইবার নয়—যাহা কেহ করনার এ পর্যন্ত আনিতে পারেন নাই—সেই অসম্ভব সম্ভব হইতে চলিল। রমণীরঞ্জন চুড়ি এ যাবৎ কেবলমাত্র গিনি স্বর্ণেরই প্রস্তুত হইত—কেমিক্যাল বা অল্প কোনও ধাতুতে ইহা এ পর্যন্ত কেহই প্রস্তুত করিতে পারেন নাই। আমরা বহু পরিশ্রমে ও অর্থব্যয়ে ইহা প্রস্তুত করিয়াছি। কেমিক্যালের কিম্বা অল্প ধাতুর সমস্ত চুড়িই সাধারণে ব্যবহার করিয়াছেন, আমরা তাঁহাদিগকে একবার রমণীরঞ্জন চুড়ি এক সেট ক্রয় করিতে অনুরোধ করিতেছি। এক সেট পাঁচ টাকায় ক্রয় করিলে আপনার পাঁচ শত টাকার গিনির চুড়ির অভাব মোচন করিবে।

মূল্যাদি এক সেট ৮ গাছা ৫ পাঁচ টাকা।

“মায়াপুরী মেটলের” লক্ষ লক্ষ প্রশংসাপত্রের মধ্যে একান্ত স্থানাভাবে কেবল কয়েকখানি মাত্র প্রকাশিত হইল।

সংবাদপত্রের মতামত।

বিশেষ দ্রষ্টব্য।

“মায়াপুরী মেটল” আবিষ্কৃত হইবার পর সমস্ত সংবাদপত্রে ইহার সুখ্যাতি বাহির হইয়াছিল। স্থানাভাবে কয়েকখানি মাত্র উদ্ধৃত হইল।

“হিতবাদী” সংবাদপত্র। * * দেখিতে ঠিক সোনার চুড়ির মত * * বহুদিন ব্যবহারেও রং নষ্ট হইবে না। কারণ ইহা গিলটি নহে, ধাতু বিশেষের দ্বারা নির্মিত।

“বঙ্গবাসী” সংবাদপত্র। * * মায়াপুরী মেটলের অলঙ্কারের রং চিরদিন স্বর্ণের স্থায় থাকিবে। কখন পালিস নষ্ট হইবে না। ইহাদের কারবারে প্রতারণা বা প্রবঞ্চনা নাই।

“বসুমতী” সংবাদপত্র। * * আর কেহই এই পূজার সময়ে বিলাতী চুড়ি কিনিবেন না। ইহাদের গহনার রং চিরস্থায়ী বলিলেও হয়। ইহাদের সোনার জিনিষগুলিও সুন্দর হইতেছে।

দৈনিক পত্র “সংবাদ” পরীক্ষা করিয়া দেখিয়াছি ইহাদের গহনার রং বহুকাল স্থায়ী ইহাদের কাছে ঠিকিবার ভয় নাই; ইহাদের দোকানে মহাপূজার মহা ব্যাপার।


“হাওড়া হিতৈষী” সংবাদপত্র লিখিয়াছেন। ইহা জঘন্য গহনা নহে। আদত গিনির গহনা ইহাদের গহনার কাছে হার মানিয়াছে। গহনার রং বহুকাল স্থায়ী। জিনিষগুলি সুন্দর ভাবে প্রস্তুত হইয়াছে।

“মাসিক” দৈনিকপত্র। চুড়ি বড় সুন্দর হইতেছে বিলাতী চুড়ি ও কেমিকেল গহনার পরিবর্তে সকলেরই ইহাদের গহনা ব্যবহার করা উচিত।

এইচ, ব্যানার্জি এণ্ড কোং, ১ নং গরাণহাটা স্ট্রীট, কলিকাতা।

শরৎ ঘোষের হারমোনিয়ম

ভারতের সেরা।




যাহারা শরৎ ঘোষের হারমোনিয়ম ব্যবহার করেন, তাঁহাদের কোনরূপ ভুগিতে হয় না। স্বর নামিয়া যাওয়া, বিঁ বিঁ করা, হাওয়া বাহির হওয়া প্রভৃতি ব্যারাম শরৎ ঘোষের হারমোনিয়মকে ধরে না বলিলেই হয়। এই সকল গুণের জন্তই শরৎ ঘোষের হারমোনিয়মের এত আদর ও কাটতি।

3 Oct., Single Reed, 4 stops Rs. 20 & 25
 „ Dble. „ 5 „ „ 35, 40 & 45
 Other Varieties— from „ 50 to 300

হারমোনিয়ম-শিক্ষা Rs. 1 & 2
 আলিবার গানের স্বরলিপি— 1-8

সকল প্রকার সাদাখন্ড, গ্রামোফোন, রেকর্ড, পিন প্রভৃতি আমরা বিক্রয় করি।
 শরৎ ঘোষ এণ্ড কোং, ৪নং ডালহৌসি স্কোয়ার, কলিকাতা।



শ্রীমতী ইন্দিরা দেবী প্রণীত নূতন পুস্তক।

মৌখিকহস্ত—(উপন্যাস)—১; নির্মাল্য—(গল্প-গ্রন্থ)—১১/০; কেতকী—(গল্পগ্রন্থ) ৫০; সিক্ক বাঁধাই—১; স্পর্শমণি—(উপন্যাস)—২

প্রাপ্তিস্থান—২০১নং, কর্ণওয়ালিশ স্ট্রীট, কলিকাতা।

গুরুদাস চট্টোপাধ্যায় এণ্ড সন্স।

শ্রীশৈলবালা ঘোষজায়া প্রণীত
“সেখ আন্দু”

মূল্য ১।।০

স্বামসী ও মধুবাণী বলেন;—“.....সেখ আন্দু কল্পবশে শোফেয়ারগিরি করিতেছে বলিয়াই সে ছোটলোক নহে,— তাহার বিদ্যাবুদ্ধি, তাহার সাহস ও কর্তব্যজ্ঞান বহু “ভদ্রলোকের”ই অল্পকরণযোগ্য.....।” পরিচায়িকা (কোচবিহার) :—“প্রবাসী” যখন এই পৌঙ্কব-কঠিন অথচ লাবণ্য-উদ্ভাসিত, সর্বশরীর পেশীসবল পুষ্টসুন্দর রম্য সিন্ধু নিখলনয়ন রেশম-কোমল-কেশদাগ-শোভিত স্থপতির আদর্শ, ভাঙ্গলপুরী মুসলমান যুবকটিকে বঙ্কিম পাঠক-পাঠিকার সহিত প্রথম পরিচিত করিয়া দেন, তখন অনেকেই স্বাভাবিক সৌন্দর্য-অল্পরাগবশে তাহার সাদর সম্বন্ধনা করিয়াছিলেন। * আন্দু-রচয়িত্রীর স্তনিপুণ হস্ত যাহা অতিস্বাভাবিক মত্যা, শিব, সুন্দর তাহাই অতিসতর্কতার সহিত মনোমদ চিত্রণে বেরূপ কৃতিত্ব ও আকুরিকতার পরিচয় দিয়াছেন, তাহা বাস্তবিকই প্রশংসার, শ্রদ্ধার। পাকা লেখার পাকা পরীক্ষা তাহার সংঘাত-চিত্রগুলিতে। অবাধ স্রসম প্রেম চিত্রণে অশ্বে যে স্থলে নিন্দিত, আন্দুরচয়িত্রীর সেই চিত্রেই কৃতিত্ব।

তাঁহার চিত্রিত সম্ভব চিত্রগুলিআলোচনা করিলেই তাঁহার উদ্দেশ্য সুপরিষ্কট হইয়া উঠিবে। ‘বোর্ডিং’এ শিক্ষাপ্রাপ্তা, বড়স্রোকের বলগাছাড়া কন্যা, চিত্তবৃত্তিপ্ৰবল-লতিকার—কম্বী, সাহসী, পুষ্টসুন্দর, মমতাশীল, পুরুষোচিত সর্বগুণযুত আন্দুর প্রতি আকৃষ্ট হইয়া তাহাকে প্রার্থনা,—জ্যোৎস্নার প্রতি রূঢ় ব্যবহার—হাদাজীর উদার মেহপ্রবণ হৃদয়ের প্রেম-রাজস্বের অনিন্দ্য চিত্র—জ্যোৎস্নার হৃদয়ের উদারতা, গভীরতা, গাঙ্গুরী—কোমলা দৃঢ়া জ্যোৎস্নার সহিষ্ণুতা কত স্বাভাবিকভাবে ‘আন্দুতে’চিত্রিত।—সর্বোপরি ভগবানের পদে—তর্পে—মল্লধ কি-শান্তি—প্রেমিক কিরূপে কোন “মরণের অবলম্বনে নিজেকে নিশ্চিন্ত শান্তিতে মার্ধক করিয়া তুলে”—তাঁহার যথোচিত আলোচনা করিবার শক্তি আমাদের নাই।.....সহদর পাঠক-পাঠিকা ‘আন্দুকে’ গৃহে গৃহে অভ্যর্থনা করিয়া তাহাকে বুনুন—এই আমাদের প্রার্থনা।”

এতব্যতীত বর্ধমানরাজের প্রধান সভাপণ্ডিত শ্রীযুক্ত প্রিয়নাথ তত্ত্বরত্ন, পণ্ডিত জ্ঞানেন্দ্র-কুমার কাব্যার্ণব এবং অন্যান্য বহু গণ্যমান্য ব্যক্তির প্রশংসাপত্র আছে। পুস্তক-প্রাপ্তিস্থান—
MASTER KAMAL KUMAR NANDI, C/o Dr. N. M. Ghosh, Dhokra
Sohid, Burdwan, এবং গুরুদাস চট্টোপাধ্যায় এণ্ড সন্স, ২০১নং কর্ণওয়ালিস স্ট্রীট, কলিকাতা।

সাহান্য

শ্রীমতী সুনীতি দেবী প্রণীত ক্ষুদ্র পুস্তক। কবিতাগুলি যেন শিশুকণ্ঠের কোমল মধুবাণী-স্বরূপ। ভাবা ভাব অতিপ্রাঞ্জল। কাগজ ও ছাপা অতিসুন্দর। মূল্য চারি আনা মাত্র। সুকুমারমতি বালক-বালিকাগণকে কাচের-খেলনার পরিবর্তে ইহা দিলে তাহাদের আনন্দ ও উপকার দুইই লাভ হয়।
 প্রাপ্তিস্থান—

শ্রীমতী নিস্তারিণী দেবী, সরস্বতী। কেশবধাম, বেনারস সিটি।

বিজ্ঞাপন।

প্রবীন লেখক শ্রীযুক্ত ভুবনমোহন ঘোষের প্রণীত নূতন পুস্তক “চিত্র” যন্ত্রস্থ। আগামী ভাদ্রমাসে বাহির হইবে। ইহাতে অস্বদেশীয় সামাজিক ও গার্হস্থ্য জীবনের কয়েকটা ছবি